


柳田文庫
文庫11
D 94
1



元蜀郡虞文靖公道
園學古錄

影元刻本

文庫 11

D 94

1



010190548959

48-11760

蜀

本

民國元年 存古書局補刊

元吾蜀郡虞文靖公伯生所著詩文凡四集曰在朝曰
應制曰歸田曰方外計五十卷統名曰道園學古錄至
正閒公門人夏臺劉伯溫校梓歐陽元爲之序公從孫
湛嗣又輯編遺稿十六卷亦越勝國嘉靖嘗刻本鏤則
未之見也 清興乾隆朝江右崇仁復有梓公集者蓋
崇仁爲公寓邑賢士大夫重公高文典策理學經濟故
辦香之奉視其鄉人涪翁維謹今案

高宗皇帝四庫全書題詞曰公集薈粹菁華不減廬陵
之在北宋揚謗至矣而蜀中坊書反亡其本鏤弱冠計
偕北試畱滯都門迺假鈔中祕藏書而讀之其詩汪洋
浩瀚若不逮唐鄉人李太白宋之蘇子瞻顧清新之思

超逸之解篇幅已終神味悠然不盡使人之意也遠固未嘗斤二求肖先輩而自成風氣不愧一代大家文則閒架結構擬於孫樵李習之波瀾態度侶又規撫曾南豐王半山唯變化之功差遜迺若於有元國家庠序興廢吏治官方汗隆學術人心誠僞世宇風俗厚薄雖常日應酬率然弄翰下暨鞅掌旅愁栖遲偃仰迷悶無聊病膏憂患之作靡弗三致意焉較厥芝亭五七字襍出於羽士玄虛神仙縹緲不盡根於理者實自有閒又其論學端本濂洛周程堯夫諸賢兆有明三百年制科取士豫符合方今崇儒重道推尊朱子學者恪守傳註大訓遺意則公特識也他如海口屯田之議便於民生校

官資格之非鑒乎士習其洞悉豈務學有本源類如此然則公之文章殆天下名世文章非迂生瞽儒所得而私也嗟乎世恆譏詩文人不學道無實用若伯生者豈不傑然大雅士哉後踰十稔鎡攜其集反華陽入錦官踐層城憑弔公故居第見夫廣術縱橫華屋鱗次飛蓋軒車星馳電瞬衣冠異昔坊表無存頽仰徘徊歎息泣下屈指六百年來鼎禪三朝兵燹攸作故家遺俗掃地盡矣惟是沃壤繁華耆老父兄弟經聖清安宅休養歷年滋多各呂工帖括干祿取科名爲急務一嘗讀書種子講求文學治經史豐詞翰固不乏人而二三忠信聰明才智可大副吾聖君賢相保子孫黎民之望

者或猶漸染俗學未能景行前代典型崛起印合
文靖之用心爲可惜也錕不揣愚昧故刊公遺集呂風
竊幸附於西江社裏人馨荃我公之末庶幾詩人恭敬
桑梓且諗海內有志爲學者誦詩讀書尙友古人一變
至道不其懿而或者謂西蜀文章之祖揚馬陳李三蘇
而後伯生實爲替人是尙爲方隅曲學盛自標榜其鄉
先生未足呂知我公之大也道光丁酉秋八月癸巳岷
陽之野後學孫錕撰

道園學古錄歐陽元原序

斯文與造化功用相彌綸國家氣象相表裏故文人生
於世有數文章用於世有時斯言若夸理實然也皇元
混一之初金宋舊儒布列館閣然其文氣高者倔彊下
者委靡時見舊習承平日久四方俊彥萃於京師笙鏞
相宣風雅迭唱治世之音日益昌盛矣于時雍虞公方
回翔胄監霜臺閒吾黨有識之士見其著作法度謹嚴
辭指精覈卽曰他日斯文之任歸之至治天庥公仕顯
融文亦優裕一時宗廟朝廷之典冊公卿大夫之碑板
咸出公手粹然自成一家之言山林之人縫掖之士得
其贈言如獲拱璧公之臨文隨事酬酢造次天成初無

一毫尚人之心亦無拘二然步趨古人之意機用自熟境趣先生左右逢原各識其職故自其外觀之如深山穹林葱蒨鬱蓊莫測根柢鉅野大澤汪洋澹泊不爲波濤試刺其中則日月之精凝結歲久皆成金珠龍虎之氣變化時至卽爲風雲孰能窮其妙也哉太史夏臺劉君伯温蚤歲鼓篋從公成均及爲江右肅政使者近公寓邑乃哀公文將付諸梓書來京師屬元爲敘惟李漢於昌黎子瞻於廬陵皆能知而能言者走豈能爲前人役乎第於公有世契生平敬慕公之文呂附著姓名爲幸又高劉君政事之暇敦篤風誼如是遂不敢辭而爲之敘至正六年二月

李本後序

至正元年十有一月閩憲幹公使文公之五世孫所來求記屏山書院并徵先生文彙付梓行世本與先生之幼子翁歸及同門之友編輯之得在朝彙二十卷應制錄六卷歸田彙十八卷方外彙六卷蓋先生在朝嘗爲文多不卷彙固已十遺六七歸田之彙閒亦散軼今特就其所有者而錄之所謂泰山一毫芒也先生前代世家呂道德文學繇成均柏臺史館經筵游歷清要皆承平之日其所著述則國家之典故功臣賢士之遺蹟焉歸僑臨川塵慮消歇日與四方之賓客門人子弟講明道義敷暢詳懇而其緒餘發而爲言深欲闡明儒先之

微曰救末流之失先生之學庶或於此而可見與

Table with multiple columns, mostly blank or containing faint bleed-through text from the reverse side of the page.

元史卷之四

虞集字伯生蜀郡人宋丞相允文五世孫父汲為黃岡尉宋亡僑居臨川嘗起參長沙教授避亂趨嶺表干戈中無書可攜集母楊氏祭酒楊文仲女也口授集論評孟子左氏傳歐蘇文過耳輒成誦比還長沙就外傅始得刻本則已盡讀諸經通大義文仲世昌春秋名家楊氏在室即通其義故集與弟槃皆受業家庭具有源委左丞董士選除南臺中丞延集主家塾成宗大憲初已薦授京學教授除國子博士監祭殿上有劉生被酒失儀集請削其籍大臣有為劉謝者仁宗時在東宮傳諭勿竟其事集言國學禮所自出此而不治何呂為教竟

移詹事院黜之仁宗益呂爲賢及卽位改太常禮儀院
博士時拜住爲院使閒問禮器祭義集備言先王制作
及古今因革損益之由拜住歎服俄遷集賢修撰因會
議學校集上議曰師道立則善人多學校者士之所受
教呂至於成惠達材者也今天下學官猥呂資格授強
加之諸生上而名之曰師爾有司弗之禮生徒弗之信
於學校無益也如此而望師道之立可乎下州小邑之
士無所見聞父兄所呂導其子弟初無必爲學問之實
意師友之遊從亦莫辨其邪正然則所謂賢才者非自
天降地出安有可望之理哉莫若使守令求經明行修
者身師尊之至誠懇惻呂求之其意化之及庶乎有所

觀感其次則求夫操履近正而不詭異駭俗者確守先
儒經義師說而不敢妄爲奇論者眾所敬服而非鄉愿
之徒者延而致之曰諷誦其言使學者習之入耳著心
呂正其本則他日亦當有所發也其次則取鄉貢至京
師罷歸者其議論文藝猶足聳動人非若泛泛二莫知根
柢者矣累除翰林待制兼國史院編修官英宗卽位集
呂憂還江南時拜住爲丞相言於上遣使徵之比趨朝
而拜住已遇害泰定初除國子司業遷秘書少監充禮
部考試官集言於同列曰國家科目之法諸經傳注各
有所主將呂一道惠同風俗非欲使學者專門擅業如
近代五經學究之固陋也聖經深遠非一人之見可盡

試藝之文惟其高者取之不必先有主意若主意先定則求賢之心狹而差自此始矣後再爲考官率持是說故所取每稱得人帝幸上都命集與侍讀學士王結執經曰從自是歲嘗在行俄拜翰林直學士兼祭酒侍經筵嘗因講罷論京師恃東南海運竭民力曰航不測非便乃進議曰京師之東瀕海數千里北極遼海南濱青齊萑葦之場也海潮日至淤爲沃壤宜用浙人之法築堤捍水爲田聽富民欲得官者合其眾分授曰地官定其畔曰爲限能曰萬夫耕者授萬夫之田爲萬夫長千夫百夫如之察其惰者而易之一年勿征也二年勿征也三年視其成按地之高下定其額朝廷曰次漸征之

五年有積蓄命曰官就所儲給曰祿十年佩之符印俾得傳子孫如軍官法則東西民兵數萬可近衛京師外禦島夷遠寬東南海運曰紆疲民遂富民得官之志而獲其用江海游食盜賊之類皆有所歸矣其後海口萬戶之設大畧宗之文宗卽位改奎章閣侍書學士兼職如故嘗曰先世墳墓在吳越者歲久湮沒乞一郡自便帝曰呂爾之才何施不可願今未可去爾時關中大饑帝問集何曰救對曰承平日久人情晏安有志之士急於近效則怨讟興焉不幸大裁之餘正君子爲治作新之機也若遣一二有仁術知民事者稍寬其禁令使得有所爲隨郡縣擇可用之人因舊民所在定城郭修閭

里治溝洫限畝晦薄征斂招其傷殘老弱漸呂其力治之則遠去而來歸者踵至春耕秋斂皆有所助一二歲閒勿征勿徭封域既正友望相濟是三代之民將見出於空虛之野矣帝稱善因進曰幸假臣一郡試行此法帝不允有旨諸兼職不過三免集國子祭酒會修經世大典命爲總裁中丞趙世安嘗謂集久居京師且病宜假一外職就醫文宗怒曰一虞伯生汝輩不能容邪閱歲書成既上進呂目疾丐解職亦不允時帝方嚮用文學雅重集不聽其去而嫉之者往二摘集文辭指爲譏訕帝皆察知其故不能中傷一日命集草制封乳母夫爲營都王使貴近傳旨其人素忌集謬言制封營國公

集具稟進丞相愕然集知爲所給卽請易稟終不明言其故凡論薦人材必先器識心所未善不爲牢籠沽譽御史中丞馬祖常嘗出牘求薦光人龔伯璉集曰是子非遠到器恐不得令終乃大拂祖常意後果事敗身戮如集言先是安懼貼睦爾者明宗長子也文宗忌之放之靜江詔書有曰明宗在北時自呂爲非其子蓋集筆也及文宣二帝相繼崩召諸老臣赴上都議所立集與焉祖常使人諷集曰御史有言矣乃謝病歸臨川順帝元統二年召還侍臣有呂舊詔言者帝曰此吾家事豈有彼書生邪時集疾作竟不至屢被旨卽其家撰文褒錫勲舊卒封仁壽郡公諡文靖生平折節下士接後進

道園全集
雖少賤如敵己當權門赫奕未嘗有所附麗集議中書
正言讜論多見容受屢召片言出人於濱死亦不自爲
憲家素貧歸老後兼作方外交登門之士相望於道其
束修羔雁之入還供賓客費雖空乏弗恤也早歲與弟
槃闢書堂爲二室書陶淵明邵堯夫詩於壁左曰陶庵
右曰邵庵故世稱邵庵先生有道園學古錄五十卷行
於世

虞文靖公道園全集總目

學古錄詩集三共爲卷八計八百十九篇

道園詩遺彙共爲卷八計七百三篇

學古錄文集四共爲卷四十四計七百四十九篇

道園文遺彙共爲卷十六嗣訪求舊本續刊

虞文靖公道園全集詩目錄									
在朝臺四卷卷第一冊									
賦四篇									
琴操一闋									
四言古詩六篇									
五言古詩六十篇									
在朝臺卷第二冊									
七言古詩二十五篇									
五言近體詩五十二篇									
五言排律詩九篇									
在朝臺卷第三冊									

虞文靖公道園全集詩目錄

在朝臺四卷卷第一冊

賦四篇

琴操一闋

四言古詩六篇

五言古詩六十篇

在朝臺卷第二冊

七言古詩二十五篇

五言近體詩五十二篇

五言排律詩九篇

在朝臺卷第三冊

道園全集詩目卷五 五言
七言近體詩一百三十四篇

在朝稟卷第四冊

五言絕句四十八首

雜言二首

七言絕句壹百壹十首

填詞六首

應制稟一卷卷第五冊

古近體詩十六篇

歸田稟三卷卷第一冊 長卷第六

賦一篇

四言古詩四篇

五言古詩四十一篇

七言古詩二十六篇

歸田稟卷第二冊 長卷第七

五言近體詩十九篇

七言近體詩一百二十三篇

歸田稟卷第三冊 長卷第八

五言絕句十二首

七言絕句壹百二十首

填詞六首

共計八百壹十九首

虞文靖公道園全集詩目錄

岷陽鷺溪村舍
景熙元本重刊

虞文靖公道園全集卷一

在朝橐

賦

別知賦送袁伯長

余忽忽處此之無故兮幾偃蹇以自窮誓斂裳以遐征
兮抗九霄之雲龍頰三辰而徘徊兮遲後古以為期何
夫子之俚俚兮亦踉蹌而在茲吁嗟乎世慮之浩浩兮
恥謂人以不賢陳佩玉於交逢兮被涂輿以瑤環設厚
顏之鬱沈兮孰敢即問乎津涯發疾叫於咽隘兮眾披
靡而莫支夫治倡之狐惑兮豈不足於內揆顧西子之
蓬垢兮益返忌乎醜夷惟前聖之無悶兮老氏亦貴夫



知希顧涼薄之多懲兮猶慷慨而尙辭予固將去此而
無悔兮念夫子之與我日進予以不及兮又證予以其
可予嘗究往來之爲道兮論因革之爲權莫或知其瓠
落兮子獨謂其固然庶久要以自輔兮克有聞以時行
忽先我而南驚兮殆若爲乎予情迺歌以送之曰長江
渾渾兮春汎綠波白日耿耿兮擊楫爲歌天薄我賦兮
非以病我吁嗟兮昔之盛者何其多

古劍賦

吳季有劍古所服兮先時利行後伏匿兮歷世十百神
物來兮精英上浮久乃識兮截截庚庚玉理側兮質化
光泯黝正黑兮匡視白日澹斂色兮燧人司金石水泐

兮終古不磨奇雄特兮勿褻勿試靈具戒兮鬼目睽睽
頭鬢鬢兮竊擬窺之目造慝兮靈怒殛女不女貸兮神
宮無人帝湛默兮季冠如山采衣翼兮長身好修又正
直兮稱是容佩有加飾兮魚室珠襍雜文織兮虞於帝
傍順降陟兮握奇中運授神職兮旋陽制陰物不忒兮
辟卻百非五兵息兮大宰不劇完以爲惠兮變窮於傳
填無極兮

畫枯木賦

夫誰畫此枯樹兮臨不食之散泉旣偃蹇又嚙食兮骨
岸岸以弗妍想執筆以極思忽機釋而神旋遺眾壤於
甃有勒不毀之所全或聖去於斤運或石泐於溜穿滄

遺園集卷第 二
無甬以如晦悅嘆規而能圓澹黜乎其既失旋蒼然而
在前命以物而不可孰春秋而論年噫吁嘻被草以毛
膏慮用丹昔爲流眩頤常注次獨何爲托寂寞於無意
而刻畫其不傳

木齋賦

奎章閣藝文監秀才方積昔在匡廬讀書羣木之間謂
之木齋予愛其高秀而賦之其辭曰
夫何硨磲以嵯峩兮據積水而鬱盤有梗柎與豫章兮
翳松柏之夙夙攬芳草之盈庭兮聽啾啾之鳴鹿濯予
纓於滄浪兮沐予髮乎飛瀑予潔清以有待兮歎望之
而彌高絪余驂以弗馳兮氣綿薄而心勞感春物之芳

芑兮又晚實之不食更千歲其未已兮退自修乎茲室

操

思魯琴操

龜山之陰陰兮有雲垂天河目而海口兮將見其人望
之彌尊兮卽之彌親大音寥寥兮中信而真

古詩四言

味經堂詩

原序

國子祭酒魯公伯子翬父作味經堂自爲記以
勸其子遠公嘗命遠從余遊故賦此詩

維昔元聖有子過庭學禮學詩詔之叮嚀面牆之室繇
不知味親能使學不能使嗜觀於惠容聽於惠音詠歌

道園集卷第
三
周旋實悅我心邈乎千載聖往言在舍而不求匪罔斯
殆畏友翬父窮經篤行既有諸躬思貽厥後既菑既畚
俾稼之食既畋既漁俾鼎之實作堂高明曰子遠來吾
經在茲遠其味之始子虛羸匍匐來食茹草飲水以禦
朝夕窮人得歸自我父師俛焉斯文老至不知煌煌靈
芝如彼嘉玉薄言采之在彼中谷南陽之人來詹來言
君子豈弟宜其後昆

題宋誠甫侍郎垂綸亭

岷源建高駛無游舫漢曾其委安流滔滔爰有君子
垂綸其下雖不得魚意甚閒暇援藟引楫至於中沱
蔭樹以沐悠悠永歌逝波沄沄不轉維石樂茲忘憂

矢言不食 烝然雲興風舉以高馳翔中天遺景九皋
水其落矣魚亦潛渚睠言夙好除於風雨風吹衣
裳彼爲栖栖行吟望子實勞我思山有榛栗河有魴
鯉豈其飲泉必洽之美君子冠純秩秩大經洞有清
酌可以濯纓

高彥敬青山白雲圖

兩崖之間曾不容舫白雲悠悠與山俱高

趙忠簡公祠堂詩

至順三年春解州聞喜縣學用禮部符祠其鄉
先生故宋丞相趙忠簡公公六世孫國子博士
箕翁求虞集作迎送神詩

山河邈悠宗國為虛騎箕來歸懷此故都鳴臬在樹飢
鱷在渚闕宮不存公食無所董澤之陂有蒲與荷子孫
具來式燕以歌瞻彼洛矣其水泱泱斯文在茲俾也可
忘原注秦檜既敗趙公於海南隨使人逼殺之公臨終
從所寓寺僧索素帛一方書其上云身騎箕尾歸天
上氣作山河壯本以付寺僧而絕聞喜之董澤公鄉也

賦衛節婦王夫人

汎汎淇水岸有佳竹閨門嚴嚴樂爾貞獨汎二淇流岸
有松舟閨門閒閒樂爾貞幽汎汎淇右有堂孔阜娟娟
貞幽肅肅眉壽淇原有泉可濯可沿亨鬻勺尊樂爾高
年高年樂止亦有孫子式歌衛風以告國史

題學易齋

曰注其人將詣孔陵

惟學易君子慎其齋居動息有存起處是於奇耦玩畫
方員視圖書循靜始夜根動初罔不在中日居月諸乃
秉元化以時盈虛其惟元聖啟我後愚載瞻巍巍魯陵
鬱如

古詩五言

諼草生竹閒

諼草生竹閒翠色相綢繆美人欣有託君子故忘憂昔
聞有鳴鳳飲水來丹邱不食眾木實樂只淇園秋

高竹臨水上

高竹臨水上幽花在崖陰以彼貞女姿當此君子心春
陽不自媚夕露忽已深湘妃昔鼓瑟悵望蒼梧岑

月出古城東

月出古城東海氣浮空濛車騎各已息宮闕何穹窿牧
馬草上露吹笳沙際風帳中忽聞雁傳令毅雕弓
翁方綱曰勁氣巨實景出之

書上京國子監壁

神京極高寒幽居了晨夜雷風無時發靈雨每飄灑炎
光不到地蕭爽度長夏大化漠無宰豈必事陶冶揚雄
不曉事守道栖栖者玄經百無徵白髮謾盈把

至治壬戌八月十五日榆林對月

日落次榆林東望待月出大星何煜煜芒角在昴畢草
樹風不起恐蝟絕啁啾天高露如霜客子衣盡白羸驂

斲餘棧爨婦泣幽室行吟毛骨寒坐見河漢沒驛人告
晨征曛曛曙光發

憶三十年前與元復初參政同賦秋日梨花元
有句云朝食葉底梨莫看枝上花而忘其後句
因續之云

朝食葉底梨莫看枝上花花開食實後霜風振長柯遠
水良可鑒彩雲亦易過念爾白於雪日莫當如何

李老谷

十轉山崦交九度沙磧潛始辭平漠曠少接山木秀老
病畏行役慰藉得良觀秋嶺晚更妍寒花晝如繡故園
夫如何朝陽炫霜袖

泰定甲子上京有感次韻馬伯庸待制

翰音迎日轂儀羽集雲路寂寞耽書閣老大長郎署爲
山望成岑織錦待盈度我行起視夜星漢非故處

賦水木清華亭

中流泛蘭楫望彼嘉樹林落日蕩野水浮雲生夕陰游
魚戀芳藻好鳥鳴幽岑爲樂恐易老吾將脫朝簪

天祿戊辰前續詠貧士一首

目昏畏附火枯坐寒窗中破褐著絮重虛豆兼冰崇病
骨於此時浮屠屹撐空呼兒檢餘麻計日待春風雖欣
解凍近翻驚紀年窮賈酒欲自廣無錢似陶翁

又一首答舍弟見和

蜀侯昔罹憂嶺海萬死中詩書庶不泯焉思祿位崇爾
來五十年所以四壁空涉世惟信道卓然立頽風漫仕
非我能偶貧豈人窮深耕定有獲歸嘆兩衰翁

後續詠貧士四首

老骨寒不寐夜長况聞風心悸危欲折跼踏敗絮中雞
鳴當晨餐馬疥芻不充山童衣白鶉喚之愧恩二求火
掃木葉庭樹亦已空掘起不敢怠曙光屋南東苟遂牛
馬性歸放春草豐

歸蜀越關隴棧閣危登天適越河濟隔堰水丈尺閒飢
寒迫口暮舟車計茫然東家有一叟欲去初不言早朝
聽詔畢喚馬聞闔前童奴受宿戒向暖爭相先聞之曠

兒子我何爲汝牽屨無千金賈吾足安暇憐
爲政貴察色讀書在研覃司視既不明兩者無一堪尚
不遑吏責爲師固宜慚聖世無棄物况茲久朝簪決去
豈我志知止亦所諳頗聞南山下菊根浸寒潭濯餌千
日期冰臚復清函老馬果識道更服鹽車驂
天風夕號怒勝想殊清妍探架得古書前日手所編奈
何視茫茫字若萬蟻緣精意成寂寞惆悵還棄捐於惟
仲尼衰清夢不復然小子未聞道何以卒歲年

觀花有感

掛巾花樹枝酌酒花樹下風吹巾上塵花落手中學清
唱起相壽母遽且聊暇流光急去人莫怪秉燭者

鐙按李太

白桃李園記古人秉
燭夜游良有以也

赤城館

雷起龍門山雨洒赤城觀蕭騷山木高浩蕩塵路斷魚
龍喜新波燕雀集虛幔開戶微風興倚杖眾雲散

鐙曰翁覃溪曰此方是不著一字儘得風流其傾倒
此詩也至矣

同閣學士賦金鴨燒香

黃金鑄爲鴨焚蘭夕殿中窈窕轉斜月透迤動微風綺
席列珠樹華鐙連玉虹無眠待顧問不知清夜終

退直同柯敬仲博士賦

月下白玉階露生黃金井疏條栖鵲寒衰蕙流螢冷戀

道園全集卷第
八
闕感時康懷歸覺宵永晨鐘禁中來白髮聊自整

送良上人賦得井上桐

桐陰秋轉薄井氣曉爲霜交柯舞幽鏡墮葉響鳴璫高
巢翠羽下澄水玉蚪藏上人從定出行吟繞石牀

送吳子高

懷寶獻京國悼亡還獨歸日落雲中樹風吹江上衣湘
靈瑟在席織女石支機遠道多寂寞強飯勿相違

于仲元舍賦紅梅

白雪不成夜丹霞遂崇朝妙質承日映飛英向風飄醉
來紅袖近歌罷綵雲消揚州問何遜何似董嬌嬈

寄題新治亭

窈窕治亭莫蕭條江南秋汎覽山河外張樂鳳凰邱公
子飛翠蓋美人回綵舟從茲至黃髮樂哉以忘憂

題儋耳東坡載酒堂二首

翳二儋耳城歷二桄榔樹百年遺故邱新堂設賓阼清
風海上來朝陽在庭戶丹山五色鳳覽惠屢來顧甘心
熟桂酒羅列襟諸預符黎多孫子食飲祭先具蛟龍波
浪深歸來風雨遽

鑿井得甘泉渴者愜自私流潤不擇地委順復何疑海
南絕風雨水木况華滋鄰舍解讀書諸生還誦詩何必
懷故鄉且樂聊在茲星河度白鶴山月懸峨眉來晚去
何速勞人千載思

道藏全錄卷第
九
鎮曰長公在昔人皆惡之今也人皆思之能抑其惡
而揭其所由思則可以自立並可以識伯生此詩之
旨矣

盜發亞父冢

自注彭城有盜識寶氣
于冢上發之得一劍也

盜發亞父冢寶劍實累之冢開寶氣盡獄吏書盜詞盜
言惟見寶焉知亞父誰項王不寶善弟子遂與尸黃腸
下深錮千歲復何爲大河繞城東落日耀城西過客立
城下踟躕望安期

應制題王肅畫吳王納涼圖

雨過太湖上風生響屨廊紅綃拂几席白紵製衣裳朱
光淪厚地明月在高堂何以保玉體長年樂未央

步虛詞四首

步虛長松下流響白雲閒華星列燿火明月懸佩環肅
然降靈氣穆若愉妙顏竹宮愴清夜望拜久乃還
稽首望太霞離羅閒層霄網縵結冲氣要眇出空謠前
參千景精後引務猷輶攝衣上白鶴招搖事晨朝
朱光出東海高臺迎赫曦六龍獻陽燧九鳳保金支鍊
丹軒轅鼎濯景崑崙池拜賜冰玉佩元洲共遨嬉
學仙淮南王問道劉更生三年鍊神丹九載凌上清日
月作環佩雲霓爲旆旌回首召司命靈雨灑蓬瀛

題商學士畫

方士好服食商山多紫芝采之長松下濯以清澗漪蒼

涼百里內秦皇都不知駕舟載男女築宮東海涯

贈藝監小吏

廣術何迢二榆槐蔭蔽之鼓鐘晨莫起車馬中閒馳此
有發居者閉戶教孤兒十歲學文史十五從吏師丹青
出天性落筆有令姿藝監取材伎小大無一遺署兒筦
庫下祿薄不足爲手持一束書求以慰母思告兒勿薄
吏公卿出自茲請看孟氏里軻母自有祠

記子昂畫

春風動蘭葉庭戶光陸離言收竹上露石角掛練衣車
行不擇路芟苒何楚二遊子憺忘歸徘徊歲云莫

送西臺治書仇公哲

陝郊得時雨生意始來復存者事稼穡還者葺牆屋安
知凋瘵餘政可致新福闢除正廣術區井表深瀆均齊
定愜志忠厚保敦篤豈無憂世士受仕在芻牧爲義苦
多違好名常不足治書肅將指善類庶有勛

送張道士歸上清

白雲盱水上自古多仙人手攜綠玉杖頭戴白綸巾袖
中出風雨天上禮星辰歸來庭戶靜芳草自生春

日出行

日出上城府日莫當蚤歸城門已擊柝出郭何焉依下
馬投館人空垣月當扉涼風振庭樹巢鳥屢驚飛起坐
搔白髮忽如霜草稀周公不復夢仲尼故霑衣老萊有

孺色傳聞惟食薇求之事已晚徘徊行道微

贈治冠者

車馬入隘巷言尋治冠師反關不受客高坐哦風詩布
衣不掩脛晝食甘藿藜冠成動經歲不售亦不辭我少
好文章把筆無不爲愧爾爰寂寞慎與當自茲

贈寫真佟士明

佟郎居上京閱人如風花拈筆寫其似千歲畱英華邇
來七十年將相紛在目來者有如此往者那可續昔我
初北遊面白鬢如鴉點染煩粉墨華星映丹霞今如雪
中松苦硬雜蒼白卻視當年容邈如不相識不識當如
何臨風且長歌黃雲接河漢白雪漫坡陀乞身願歸老

吳蜀山總好贈君千黛螺翠色秋可掃

寄陳眾仲助教上都

學省足清書詞垣驚蚤秋美人隔河漢落月在高樓持
衣未成曲吹笛不勝愁還趨鳩鵲觀別製鷓鴣裘

贈鐵菴道者二首

昔遊雲臺觀山色上衣青松花春雨落柳葉秋露零飢
來煮白石睡起看黃庭人閒忽已老莫問少微星
海上別妻子山中求茯苓白虎戲元渚蒼龍護黃扁燒
香招五老行廚庖六丁從子似非遠丹霞粲華星

題商憲符華山圖

昔祠雲臺館行穿御階柏夕陰嵐氣深重碧照行客獨

訪張超谷漸覺巖險迫冰生玉井頭日射仙掌側豈無
鐵鎖懸翻身若飛鶻恐煩華陰令不奈昌黎伯王事况
有程車馬何忽一流觀終南山周覽天府國爾來十七
年欲往不再得山河想邈悠傷殘轉蕭索摩挲商老圖
彷彿希夷宅高哉蓮華峯白雲澹秋色

寄幻菴主者

朝遊武夷麓莫入匡廬岑放舟臨野水采藥過幽林清
泉磨寶劍磐石鼓瑤琴臘月歸溪上還作蚤春吟

賦茅山道士雲松巢

昔年李太白廬山思結巢寒雲自天上和鶴止松梢道
士涵閒遠高居古大茅誦經門臥虎看劍石眠蛟飛步

脫冕烏長吟吹鳳匏九江攬秀色許爾作神交

酬上清道士鈔陰何詩

殘雪松上落輕冰硯裏生寫詩過夜半欹枕又天明少
陵愛何遜太白似陰鏗不愁勞弱翰亦足助高情

題李漑之學士白雲半閒

山中多白雲何由到城邑招之恐不來欲攬遽無迹栖
檐候晨光納牖作秋色用冲不爲盈常住室若客分張
任蒼松散落還白石日照香鑪峯隱身仙掌側有恩封
一鄉與子當共食

題浴日觀

煌煌赤老烏三浴乃出海波濤始晃漾宇宙破冥昧西

登泰華顛東望方丈外稽首希夷翁今晨良慶會

爲范尊師賦雲林清遊

大茅千仞下結屋
四楹雲林戶牖潤鶴去海天平坐
上發長嘯人間聞
玉笙斲苓春霧重煮朮晚烟輕綠室
嘘丹氣蒼崖受日精
樵遺伐木斧真降引霓旌九鼎金
還就千齡樹不傾問誰解居此云是范長生

吹笛圖

白雲悠二去長松披高邱
匡坐吹笛人似是馬督郵飛
鴻遺哀響幽泉發春流
女樂亦何有逍遙以忘憂

送甘以禮調官歸鄉

甘君有良材於政無不宜
白頭郡縣下尙覺非所施
奈

何筦庫穴而可紕吏師豈直名
吏師積學本書詩高情
抗浮雲廉節濯清漪
君子安所遇固無喜愠辭
嗟我忝從官簪筆恆殿帷
竟無國士薦徒稱故舊知
晚歲向田里藜杖相追隨
尊酒已怡老未爲負明時

送李彥方閩憲

原序

文監李公彥方出貳閩憲同朝羣公皆賦詩
已爲贈彥方屢擢臺職激揚之宜有不待予言者
適有一事深有感於愚衷先正魯國許文正公
實表章程朱之學已佐至元之治天下人心風
俗之所係不可誣也近日晚學小子不肯細心
讀書窮理妄引陸子靜之說以自欺自棄至欲

移易論語章句直斥程朱之說爲非此亦非有見於陸氏者也特以文其猖狂不學以欺人而已此在王制之必不容者也閩中自中立之歸已有道南之歎仲素愿中至於元晦端緒明白皆在閩中不能不於彥方之行發之去一賊吏治一弊政不如此一事有以正人心儒者之能事也集臥病而目眚爰掘起書此云

七閩去天遠顛連苦無告牧人受深寄昧者覆爲暴犀象雜金貝飢渴劇飮膏大言相鄙夷驕奪心自校豈無循廉吏實病黑白撓聰明屬旒黠聽瑩資所到李侯金閩彥圖史擅讐校晨聞大夫奏夕理武夷棹君子慎修

職寧適豐廩稍蕉荔甘多毒薑桂老堪芼所懷延平翁揚休似明道授受有源委精微足深討言立聖如在表正愚可造師匠久不興真妄如柄鑿云何請支離肆誕長凶傲異言古所誅未學足深悼閩雖在海隅前聞此淵奧正證從簡編良俗宜善導贈言不及它持此永爲好

題鄭秀才隱居

陶翁昔好菊荒徑不暇鋤素琴初無絃名酒亦屢虛雖有五男子俱不解讀書淒涼千載下高名將焉如不如鬼谷洞鄭子樂有餘種菊以爲田二中更爲廬善藥不二價詠觴送居諸有興揮五絃涼風在庭除時來青田

鶴亦出濠梁魚昨者遊京師侯門曳華裾捧檄忽一喜
翩然告歸與芳蒲采甘露玉漿釀清醕老父坐堂上稚
子具籃輿晨遊南山陔暮濯清水渠席閒撫猗蘭房中
詠關雎曰此得高壽何必南陽居

題朱邨竹木

猗二淇園竹結根磐石安枝榦相扶持風雨不可干其
實鳳所食君子思保完恆恐聲影疏蕭條霜露寒金玉
慎高節千載承清歡

詠史

軒后邈已遠漢武亦雄哉荒忽九州外百年過煙埃變
化庶長久臨海築層臺黃金靡鏤飾喬林摧長材樂通

竟先死孫卿殊未回不知作者意空令來者哀奉盤泣
繁露馳道殷奔雷志氣昔所在風雲恆往來

畫古木

荒郊臥蒼苔蛟龍在其上不知風雨來垂影一千丈後
主撥鐙法江南久寂寥空令沒骨畫容易媚中朝

賦蘇伯修滋溪書堂

滋源恆伏流春雨川迺盈林疇廣敷潤草木俱繁榮臨
深見遊儵仰喬有鳴鶯君子樂在斯齋居托令名積學
抱沈默時至有攸行抽簡魯史存采詩商頌并禹穴追
馬公湘江歌屈生紉蘭不盈握伐木有餘情浩然欲浮
海歸興還濯清方舟我爲楫白髮愧垂纓

題薛外史瓊林臺

高臺積方石瓊林樹交柯晨光眩白雪夕景纏紫蘿每
聞樵子唱恐是仙人過塵世在足下豈能聞笑歌過海
祇騎鶴開池還養鵝外史政瀟灑大白焉足多

送張兵部孟功巡河分題得屋上烏

花發上陽春門開未央曙城柝起羣栖流光散朝羽息
影頻近檐結巢願當戶轆轤轉金井終日灌嘉樹

鋏曰翁覃溪謂讀伯生詩全要識得句外之句愚謂
讀伯生詩須先識得意中之意則句外之句可得而
解如右二詩是矣

題彭澤陶氏家譜

白壁在戶外五柳當門前燕去王謝宅人依墟里烟述
息尚千載人情猶昔年已安遺子孫高哉爲世賢

道園詩集卷第一

虞文靖公道園全集卷二

在朝橐二

古詩七言

賦洛川老人九十

洛川老人年九十須眉如畫身玉立錦袍金帶方烏巾
手挽彊弓無決拾八月平原秋氣高聞有狡獸依蓬蒿
清晨上馬薄暮返累騎毛血懸鞵囊身是前朝將家子
生逢太平百無事都將英氣化高年何物小兒堪指使
太守上言朝有恩束帛養羊兼上尊洛川老人過百歲
擊壤爲歌傳子孫

張令鹿門圖

張侯襄陽人深知襄陽樂十年宦學懷襄陽故托豪縑
寫山郭老我不樂思蜀都人言嵩陽好隱居三十六峯
常對面水竹田廬還可圖欲往不能心燥二忽見新圖
被山惱沙禽浦樹俱可人金澗石牀爲誰好向來耆舊
皆英雄駕言從之道焉從弄珠月冷識遊女沈劍潭深
知臥龍八月霜晴水清淺聞道扁舟足迴轉何時古寺
傍檀溪幾處殘碑在江峴呼鷹臺高秋草多養魚池中
蓮芡坡蜀嵩未必不如此我今不遊奈老何張侯張侯
早結屋莫待史詹爲君卜要看壠上課兒耕好在魚梁
白沙曲

子昂畫馬

憶昔從公侍書殿天閑過目如飛電池邊儘有吮毫人
神駿誰能誇獨擅公今騎鯨隘九州人閒空復看驂騑
惟應馭氣可相逐黃竹雪深千萬秋

鏤曰卽從杜陵丹青引化出而運法用意又自各別
所曰可貴

湛湛行

湛二天宇立呂黝星白如銀垂近人牛羊散漫草多露
大帳中野傍無隣去年八月羽書急婦女上馬小兒泣
今年八月天子來身屬橐鞬月中立

家兄孟修父輸賦南還

大兄五月來作客八年不見頭總白五人兄弟四人在

每憶中郎淚霑臆我家蜀西忠孝門無田無宅惟書存
兄雖筦庫實父蔭弟竊微祿承君恩文章不如仲氏好
叔氏最少今亦老五郎十歲未知學嗟我何爲長遠道
諸兒讀書俱不多又不力耕知奈何憂來每得二三友
看花把酒臨風哦蜀山嵯峨歸未得盤二先壠臨川側
碧梧翠竹手所移應與青松各千尺南風吹雪河始冰
兄歸烏帽成都城明年乞身向天子共讀父書歌太平
翁覃溪曰此詩好處全在脫去修飾

子昂墨竹

吳興畫竹不欲工腕指所至生秋風古來篆籀法已絕

止有木葉雕蠶蟲黃金錯刀交屈鐵大陰作雨山石裂
蛟龍起陸眞宰愁雲暗蒼梧泣湘血吳興之竹乃非竹
吳興昔年面如玉波濤浩蕩江海空落月年二照秋屋
孫澍曰是題子昂畫竹移綴他人不得

商憲符畫幽篁古木

湘君宮在洞庭湖幽篁古木龍所都石壇雨長碧苔蘚
水屋風動青珊瑚老人欹枕看螻蟻嫠婦停舟聽鷓鴣
江南蜀道問來往商公商公今有無

吳郡陸友仁得白玉方印其文曰衛青臨川王
順伯定曰爲漢物求賦此詩

將軍人奴公主時豈意刻玉爲名章珠襦已隨黃土化

道園全集卷第三
三
此物還同金雁翔軍中只識長平侯西風木葉茂陵秋
人生卑微何可忽碌二姓名誰見收

鎮曰一結無限感慨恰又收到起二句章法完密妙
在無意掉轉

爲達兼善御史題墨竹

蜀道荒涼多古木篔簹千尺相因依小年慣見今白髮
杜宇夜啼愁不歸老可嘗作陵川守古墨蛟龍多入手
春雷每恐破壁飛神鼎空合夔魅走丹邱越人不到蜀
修葉何以能縱橫內府人家爛熳寫使可見之心亦驚
江南御史龍頭客暫別那能不相憶知君深識篆籀文
故作寒泉溜崖石

畫鶴

薛公少保昔畫鶴毛羽蕭條向寥廓通泉縣壁久微茫
故物都非只城郭長鳴澗步貌閒暇解寫高情亦奇作
田中芝草日應長石上松花晚猶落赤壁江深孤月小
雲野迴秋霄薄羣帝相從絳節朝八公許製黃金藥
誤嬰塵網跡易迷移召中州命如昨借懸素壁憶眞侶
忽有微風動林壑碧虛寥二積雪高直過嘯臺絕栖泊

題畫

棠梨生竹閒牽牛引蔓相因依晨華墜露天水碧斷蘚
絡石爛斑衣鷓鴣蹋枝歲將莫蟋蟀在戶人當歸蕭條
落墨人間稀蕭條落墨人間稀

寫廬山圖上

憶昔繫船桑落洲，洲前五老當船頭。風吹雲氣彌谷起，霜墮楓葉令人愁。高人祇在第九疊，大白一去三千秋。石橋二客如有待，裹茶試泉春岩幽。

題旦景初僉司畫

旦公山堂城東南，畫圖古檜何甍。二城中無山，有山癖直藉毫墨窮幽探。旦公彈琴古檜下，鬱鬱二窗戶生晴嵐。春雨時來鶴鳴谷，秋聲夜作龍吟潭。先皇晝坐羣玉府，內使趣召飛雙駿。畢宏韋偃出中秘，營邱北苑開滕緘。是時旦公主舒卷，一一文士相交參。旦公歸來坐成想，亦頗拈筆爲楸枰。伯熙奉詔每有作，礪礪相並將無慚。

嗟予懷歸亦已久，摩挲老目百不堪。山中豈乏眞偃蹇，可容白髮抽朝簪。

題柯敬仲畫

予先世居隆州，州治之後山石室翁守郡時，隆爲陵州。州事簡時來就吾家，拾故紙背作茅蘭竹木之屬，所得頗多。吾幼時尙收得數紙，今亦亡之。丹邱生用文法作竹木而坡石過之，近又目新意作墨花，甚妙。從子悅有眉山學官之行，邱爲作此予愛而賦之。

昔者老可守陵州，守居北山吾故邱。太守時來看山雨，每畫紙背成滄洲。老蒲松烟色過重，揮霍陰崖交劍矛。

百年離亂亡故物，傲篋江南誰復收。新圖篔簹枝葉修，
使我不樂思昔侯。碧雞祠前杜鵑叫，玉女井上叢篁幽。
棠梨樹高青子落，碧花翠蔓縈牽牛。揚雄無家不歸老，
蠨蛸蟋蟀寒相求。丹邱先生東海客，何由見我空山秋。
蕭條破墨作清潤，殘質刊落精英畱。陂陁重複分細草，
山石縈紆生亂流。眉山學官莫厭冷，言歸故鄉非遠遊。
石田茅屋倘可得，萬里欲上東吳舟。百花潭深濯新錦，
持報呂比珊瑚鉤。

鎮曰：因畫而懷故居，一官沈滯幽憂，條歎如卽於楮。墨此題畫聖法，杜陵老人后知此法者，惟蘇長公而已。不圖伯生又闖其奧。

白翎雀歌

烏桓城下白翎雀，雌雄相呼呂爲樂。平沙無樹托營巢，
八月雪深黃草薄。君不見舊時飛燕在昭陽，沈沈宮殿
鎖鴛鴦。夫容露冷秋宵永，芍藥風暄春晝長。

敬仲畫扇

松根茯苓如石髓，服食令人壽千歲。子欲求之觀此圖，
老身偃蹇枝扶疏。長鑱爇火新雨霽，羽人丹邱期不至。
却剪蒼筤崖石閒，吹作龍吟秋滿山。

翁方綱曰：至精語，呂平調出之。

題簡生畫澗松

簡生與我皆蜀人，畱滯東南凡幾春。每拂齊紈作山水，

使我感慨懷峨岷如此長身兩松樹滿谷悲風散陰霧
雌雄如劍變爲龍鱗鬣齊成壁崖去秘閣嘗觀韋偃圖
蒼潤雄深世所無默識形神出模畫把筆莽蒼增嗟吁
玉堂寶書本同館官府既分難復見摩挲新墨慰衰朽
鬢雪飄蕭數開卷昔我樵牧青城山坐起政在雙樹間
當時簡生若相見應并寫此聽潺湲劉郎集賢好賓客
好著幽窗對晴碧凌雲爲我哦七言有鶴飛來破秋色
題李受益承旨作東平章萬戶繼志堂後
將軍腰閒黃金符父兄功成百戰餘太平不復事弓馬
秋雨高堂聞讀書門有喬松墓有草永言思之願終保
幙中賓客誰屬文東魯儒生國元老

題柯博士畫

磴頭風急潮水長蒹葭蒼二繫魚榜青山一髮是江南
白頭不歸神獨往幽篁繞屋茅覆簷木葉脫落秋滿簾
買魚沽酒待明月定是黃州蘇子瞻子瞻文章世希有
謫向江波動星斗夜投斷岸發清嘯栖鶻驚飛怒蛟吼
圖中風景偶相似欣然揮洒春雲開子瞻應是念鄉里
還化江東孤鶴來

題高彥敬尚書趙子昂承旨共畫一軸爲戶部
楊侍郎作

不見湖州三百年高公尚書生古燕西湖醉歸寫古木
吳興爲補幽篁妍國朝名筆誰第一尚書醉後妙無敵

老蛟欲起風雨來星墮天河化爲石趙公自是真天人
獨與尚書情最親高懷古詎兩相得慘澹酬酢皆天真
侍郎得此自京國使我觀之三歎息今人何必非古人
淪落文章付陳迹

題灤陽胡氏雪溪卷

原序

去年予與侍御史馬公同被召出居庸未盡東
折入馬家甕望縉山度龍門百折之水登色澤
嶺過墨谷至于沙嶺乃還道中奇峯秀石雜巨
嘉木香草黃鳥皆有聲予二人按轡徐行相謂
頗似越中但非扁舟耳適雨過流潦如檻泉則
亦不甚相遠郭熙畫記言畫山水數百里閒必

有精神聚處乃足記散地不足書此曲折有可
觀但不令郭生見之灤陽胡太祝乃曰雪溪自
號豈所見與予二人同乎然灤水未秋冰已堅
尋常已不可舟况雪時邪當具溪意云耳因爲

賦詩云

積雪平沙陰山道射虎殘年不知老豈識船如天上坐
翠竹爲帷樹爲葆昔乞鏡湖苦不早白髮如絲照清潦
它年此地若相逢應著漁簑脫貂帽

題楊友直檢校所藏李營邱枯木圖

老龍出海蒼髯鬚營邱枯木天下無同枝屈鐵墮崖雪
澗底應拾青珊瑚明堂清廟要梁棟朔風吹沙澤腹凍

老身不用嘆遲莫按圖來求萬鈞重

題詹圃老梅圖

鄉人共識古梅樹移植詹亭仍百年計時當生宣政前
僻遠幸遺花石船昔僑寶唐尋故物石樓嵯峨白沙白
陵陽慈竹樂公移根節相扶俱遠客此樹乃在鄰邑閒
看花食實真足閒人言支離故多壽我意培植茲惟艱
華蓋高人世師表爲爾賦詩歌窈窕詹家孫子多讀書
早晚春雷化龍矯

酬蕭侯送蒲萄

蕭侯昔致蒲萄苗山童不灌三日焦宛西上品復親致
手種窗南自澆水一月當生一尺長移向江頭薜荔牆

秋深雨足馬乳重舉囊石壓青霞漿是時蕭侯當走馬
來訪衰翁茅屋下酒酣舞劍傾一尊不信金盤露如瀉

題袞塵驢圖

驢驢食粟石每旣立仗歸來汗如洗脫羈展轉聊自恣
落花塵土隨身起君不見春雷起蟄龍欠伸霧擁雲蒸
九河水

律詩五言

林皋亭

九月天氣肅鶴鳴在林陰使君敬好客來者總能吟紅
樹秋山近黃華夕露深隣翁八九十有酒卽相尋

題子昂長江疊嶂圖

昔者長江險能生白髮哀百年經濟盡一日畫圖開僧
寺依稀在漁舟浩蕩回蕭條數根樹時有海潮來

鎮曰趙王孫如可作也讀此詩能無淚下

挽胡伯恭令尹二首

二十南陵簿才名舅氏同千金劍客散一棹酒船空朱
紱垂循吏安輿已病翁神明盡今日嘆惋漫羣公
病起思歸日齋居臥治時抱孫方在膝反席遽如遺江
路牽愁遠坊門望到遲遙憐賢弟哭未忍老親知

題雪谷曉行圖

蹋雪度嶙峋霜髯跨玉麟前瞻那有際後至豈無人松
樹紛二老梅花的二春金烏海底出遍界爛如銀

送先壘二隣僧還吳二一首

蘭若背山陰松筠夾逕深門閒容虎臥湖近聽龍吟雨
過泉黍澗風飄磬出林衲衣皆舊識一一謝幽岑
東嶼憶切提幽尋日未西過山隨虎跡倚石待猿啼雲
外催歸錫松閒覓舊題卜隣吾欲老母惜伴扶藜

節婦王夫人劉氏

憶昔中丞在清淳古道存節高賢女弟文托外諸孫懿
竹宜家慶桓楹表國恩燕秦鬱相望美俗繫人門

次韻阿榮存初參議秋夜見寄

寓館城門夕高秋雨露開天垂華蓋近月轉紫垣來疏
闊思良會淹畱到不才深期謝安石揮塵散風埃

雪谷早行

積雪擁柴門行人稍出村溪頭或遇虎木末不聞猿接
棧迴山閣支橋就樹根驅車上重坂回首見朝暎

雪巖樓觀

高閣丹青起中天紫翠分窗當大白雪門俯九疑雲伐
木山人去吹簫帝子聞塵中歸未得春思轉紛紛

送人之劍閣倅

往年登劍閣快馬著春衫設險懷前代磨崖覓舊劄鄉
人遊雪界郡倅試冰銜歸道觀新政春江不挂帆

寄子山尚書

竹色侵衣碧重簾雨氣深白鷺翻墨沼紫燕入書林北

海春尊側西山夕閣陰東曹公事少歌舞散黃金

漫興

雨閣衮衣潤風簾隱几高白頭更事少病日向書勞南
客傳鄉信東家問濁醪江邊茅屋破歸楫若爲操

送張尚憲

原序

史館薦張尚憲爲檢閱官眾論曰爲宜稱其可
任未奏也有司曰闕簿注新進士尚憲頗有聞
卽斂裳宵逝噫進退若是可曰信史館之薦人
矣予力雖不足曰畱之亦終不敢失之也故作
是詩以餞之

六月初聞雨官河潦水生江南歸宋玉稷下謝荀卿鵬

鳴青霄迴蒹葭白露盈好畱詩興在來聽上林鶯

寄丁卯進士薩都刺天錫

鎮江錄事宣差

江上新詩好亦知公事閒投壺深竹裏繫馬古松閒
夜月多臨海秋風或在山玉堂蕭爽地思爾佩珊

送趙繼清令尹之官安陸

雲夢開七澤陪尾貫連山為政烟塵表吟詩松竹間
故人總華要令尹獨清閒文學偏宜老母愁鬢髮斑

明皇按樂圖

新度霓裳曲三年教得成驚鴻渾不下飛燕若為輕
芍藥春亭莫夫容野水生梨園多白髮吹笛到天明

翁覃溪曰不著一筆議論

送長沙守

白髮長沙守循良又好文近辭金馬去遠有玉魚分
對竹聽湘雨開簾看嶽雲漢廷思賈誼一飯莫忘君

送趙編修祀西嶽瀆

西道祠官去東風入旆斜汾陰已歸雁江上正飛花
歲事聞宜穀鄉人喜過家老來思故里欲寄使君車

代眾仲作

昔在泉州住將軍每見招春雲山對屋夜雨水平橋
池鴨穿荷葉溪魚上柳條禁城鐘鼓起車馬晚蕭

題宋雲舉大常臨汾二節婦序後

許氏姪從姑相承患難餘自傷還自誓同志復同居
白

道園全書卷第一
髮冰霜共丹心鐵石如有關名教事珍重太常書

送王照磨之官雲南

遺廟珍珠浦歸舟熨道溪飛鳶愁暑雨走馬畏山泥官署尊丹鷲祠官勝碧雞題詩遠相送紅日五雲西

玉堂燕集圖

朝廷多暇日翰苑又青春薄醉猶催酒清歌況有人玉堂金硯匣翠袖白綸巾老去渾無賴憑誰爲寫真

寄答桂風子先生

深隱廬山裏題詩忽見存風高應跨虎月落更聽猿酒熟邀皆去丹成笑不言雲屏第九疊相與浴晨暾

寄芻田先生

懸榻塵生席深居晝下帷齊眉安饋食擁髻近歌姬藥裏須鐘乳書題憶荔枝白頭吟更苦何必蜀人思

鄭谷圖

道士徐太虛生紙畫山居林壑春烟裏桑麻夜雨餘過橋九節杖連屋一牀書似是子真谷歸耕三月初

畫檜

茅山多古樹此檜更長生鸛鶴棲來穩蛟龍化得成雲深還近戶月落似聞笙千載如相見蒼然故舊情

李員嶠墨竹

河東李學士隨意放洋州月落亭陰迴雲生谷口幽江濤空渺筆墨更悠瀟灑西清地令人憶舊遊

爲歐陽少監題宋好古竹

幕中能寫竹作此雨瀟湘出石根還瘦臨溪影更長班
班稚子立一一鳳雛將日有長安使平安問老蒼

贈楊友直

雒陽楊友直字擬漢中郎畫若錐穿石垂如雨漏牆舞
花羞女美醉草笑僧狂昨日鴻都學煩君寫數行

題朱邸竹木

江上復春雨曾陰覆碧波石高龍影臥林迴鶴聲過解
佩猗蘭浦揚旂落木坡佳人翠袖薄日莫欲如何

寄阿魯鞏學士

問訊東泉老江南又五年涼風鳴步屨明月棹歌船陪

講長懷舊還朝獨後賢治平一二策早晚玉階前

赤壁圖

過鶴生新夢攜魚憶舊遊清霜凋木葉落月湧江流隱
者時堪訪良田亦易求如何玉堂夜白髮不勝愁

題况肩吾縣令贈行卷

縣庭都禁謁祇許見諸生接壤皆興學游民亦願耕絃
歌居室迴山水畫圖清千載雲巖石能畱令尹名

送朱萬初之廣東照磨

聖主多清暇臨池愛日長天章垂鳳彩雲氣動龍香進
諫慚簪筆爭書敢近牀承恩君最早服玉向炎方

八月八日有感題視草堂壁

道園全集卷之二
載筆趨芸閣探囊索縵袍坐銷秋日淨心折夜風高識
字頭先白謀生計轉勞文園多病渴常想賜蒲萄

賦程氏竹雨山房二首

春雨過山竹幽泉繞舍鳴燕泥書帙浣魚浪釣絲晴奉
席從孫子連牀總弟兄舊聞林下叟讀易到天明
遊子聞春雨思親望故園竹閒閒几席花底注山尊累
世書連屋頻年稻滿村卜鄰淳樸地絕學欲重論

翁方綱曰質實中神理綿邈杜陵五律後所罕見也

戲作試問堂前石五首

試問堂前石來今幾十年衰顏空雨雪幽致自風烟微
醉寒堪倚孤吟靜更眠五湖春水長誰繫釣魚船

爲問堂前石何年別太湖春風神不王夜月影長孤不
中明堂柱空遺良嶽圖頗思嘉種木歲晚與相扶
爲問堂前石何無藤蔓纏金蓮疑可致紫菊若爲妍舊
夢遺波浪閒情閱歲年祇緣相識久親爲濯清泉
碣石久淪海女媧曾補天乾坤遺蕞爾霧雨護蒼然淬
劍龍隨化彎弓虎自全昔賢多賦此誰賦最流傳
爲問堂前石屢逢堂上人遠來嗟最久獨立與誰隣運
載勞車馬摩挲識鳳麟鑿車書吉日追琢到嶙峋

代石答五首

幸自隣頑鄙毋煩問歲年當寒金作礪向暖玉生煙眉
黛無歸意毛羣有此眠涼州三百斛亦未醕觥船

昔觀一柱觀還度幾重湖雪盡身還瘦雲生勢不孤磨
穿鄴臺瓦賦就草堂圖芝閣元雲在危蹤敢藉扶
牛肉何堪礪蝸涎漫自纏沈冥辟邪古羞澀望夫妍神
物須清鑒靈根屬小年金輿曾共侍千載憶甘泉
轉徙寧論地存畱亦信天露盤危欲折劫火不同然雒
下殘經斷岐陽數鼓全向無文字托寂寞竟誰傳

顧星五曰此首全是自諭

去歲畱詩別嗟哉白髮人冠依子夏製居切左邱隣執
籥充振鷺修辭綴獲麟終須愁坎壈勿用誚嶙峋

送魯子翬廉使之漢中

封上頌臺禮輕車入漢中節毛霑渭雨木葉動秦風把

酒臺基古馳書歲事豐朝回倚西閣日一數歸鴻

立春夜試墨

輕雪作春花飛來入鬢斜紫貂迎晚霧絳蠟炫晴霞書
詔頻趨閣思歸卽借車幾時將稚子隨意蹋江沙

蜀人曲江之官贈呂墨竹

拈筆寫琅玕清風入室寒蜀山空偃蹇海郡更盤桓雲
霧瓊簫遠冰霜玉節完莫忘鄉里意持向曲江看

正月十一日朝回卽事

宮柱春陰合霓旌拂曙來天光臨閣道雲氣轉蓬萊書
漏沈二鼓晨尊灑二盃香霏簾底霧樂殷殿前雷祥瑞
儀曹奏珍淳尚食催舞庭分鷺序效獻過龍媒融雪微

生草輕風不動埃老人南極至王母上方回玉色何多
喜金華得重陪裁詩賀新雨西閣待門開

贈別兵部崔郎中暫還高麗卽回中朝

東髮來東海從軍護北門珠光連旭景玉氣達春溫淵
靜龍含惠門嚴虎列屯從容參幄帳慷慨屬橐鞬拜表
推黎獻趨朝謁至尊雲依溫室樹星入紫微垣不道璠
璣貴仍嬰筦庫煩利行雖近市義守不窺園眷遇忘身
得危難欲手援懷邦維父母於國實甥婚異國還羈勒
中涓致壁飧魯連名竟重箕子教應存簡在從當日扶
持備宿藩清宮風肅二驂乘火焯二帝所爲郎重王家
報禮醇暫伸桑梓敬未愛李桃繁神闕秋期早康侯晝

錫蕃九成思閣鳳六月待冥鵞

次韻筠軒司徒足成旦公所藏英宗御題之句

元題曰日光照吾民月色清我心又題琴曰至

治之音

化國多長日高人侍紫宸觀書從上相屬筆念生民雲
漢文章備風雷號令新惟應青簡在能載古風淳御翰
龍池曉繙經鸞殿陰雲依清靜葉月印妙明心千載堂
堂去諸天肅二臨朱絃誰爲鼓至治有遺音

次韻李侍讀東平王哀詩

宇宙生奇變明良陷逆圖傳聞昏白晝悲憤結全區治
極機潛否恩深事失謨犯車仍斷軌壞戶竟傷樞魑魅

嫌明鏡強梁忌雅模甘心成首禍藉口肆羣諛隱忍危
衝決憑陵善唯俞自天俟鉄鉞累月具箠壺裏革疑亡
地招魂競出都笳鳴殘夕月馬僨四交衢所痛倉皇際
將无古昔殊腹心何蠱蝕肘腋不支梧列位多翹楚干
城總豹貙詎言歸厄數不復頌貞符天討張恭罰皇威
凜大呼報讎方婉變錫爵竟嗟吁相業今如在民生實
少痛誰能疵璧玉唯有泣瓊珠執簡書羣盜當關欠一
夫馳奔嗟薄日沐浴止中途決去思投闕違之或汎湖
危知無復死恨不奮前誅春雨煩冤滌朝陽瘋思蘇謳
吟信感慨述作懼荒蕪芒忽思離散焄蒿起苑枯神還
嵩岳峻氣直斗杓孤陟降先皇側同翔造化徒英靈常

會合瞻想豈虛無

慶史顯甫治書父八十

治世尊三壽高年見入朝羽儀參漢皓神觀邁周喬柱
下聲名遠壺中日月饒微醅霞灼二新沐雪蕭二地厚
人俱載天全玉不瑀一經傳令子貳憲肅羣僚侃二稱
時望英二樹國標繡衣兼綵服白日上青霄上壽歸榮
異推恩錫爵超紫深宗伯橐金重列侯腰珍膳應愜從
安居必見招乞言逾藥石報惠稱瓊瑤千歲庭來鳳羣
工韻合韶陳詩方懿頌擊壤此康謠

送國王朶而只之遼東

大祖收中夏元臣有武功建邦開土宇爲位冠君公奕

世王章在諸孫相業隆春秋周正月禮樂魯新宮鹿幣
金遺耐熊侯算失中河山仍鐵券寶玉又凋弓投筆鄒
枚秀揚旂芮縮雄塞雲依碣石凍雨洒遼東戎器囊藏
盡賢書奏納同大夫勞替御惇史采民風

送陳碩

原序

莆田陳氏慶厓名法從故家也自眾仲來京師
集得友焉凡問學脩己之事有益於愚陋多矣
又從知其父兄之賢也問所自出則南唐趙氏
信乎其學之有傳矣嘗以其從子碩來見予愛
其端謹可望南歸省父眾仲送之以文予不能
忘也乃賦詩曰

六歲過閩郡書聲憶滿城目盲今子夏心醉昔延平爾
叔同游息吾文愧老成每分重席暖相對一燈明遠海
乘桴意高山伐木情願攜邛竹杖往看荔支生辟掾青
衫舊趨庭綵服輕爲言穿木榻亦未厭藜羹寶瑟留飛
雁蘭舟及嘯鶯佩懷湘渚贈綬向會稽迎去二江雲濕
飄二島霧清重來知有意時我已歸耕

奎章閣有靈壁石奇絕名世御書其上曰奎章
元玉有勅命臣集賦詩臣再拜稽首而獻詞曰
禹貢收浮磬堯階望喬雲自天承雨露拔地起網緼擊
拊磬音合衡從玉兆分巨鼇三島力威鳳九苞文班位
資乾坎爲山鎮幅員固知興寶藏不假運神斤書帙侵

道園全集卷之二
春潤香鑪借宿薰烟光晴冉二波影晝沍二融結絲元
化登崇荷聖君瑞于龜出洛重若鼎來汾柱立尊皇極
磐安廣帝勲詎云陳秘玩因願獻前聞

送南宮舍人趙子期宣詔交趾

三年頒正朔五月向南交將命方離闕陪臣已在郊衣
裳鴻羽漸干威虎皮包瘴霧衝風散瀧湍急雨捎朱鷺
窺土室白雉下檜巢夜浦鮫停織陽岡荔折苞初筵分
麩罽後騎詔笳鏡諏日修王貢兼時眠客庖方言書側
理海錯藉青茅漢柱苔侵篆秦林桂拂旃括囊無慧苴
當戶有蠨蛸卽見還音節毋煩筮繇爻

道園詩集卷第二

虞文靖公道園全集卷二

在朝稟

律詩七言

送袁伯長扈從上京

日色蒼涼映赭袍時巡母乃聖躬勞天連閣道晨留輦
星散周廬夜屬橐白馬錦韉來窈窕紫駝銀甕出蒲萄
從官車騎多如雨祇有楊雄賦最高

顧奎光曰三四原作山連閣道晨留輦野散周廬夜
屬橐天星二字趙文敏所易氣象較潤

代祀西嶽至成都作

集到成都今十日駟馬橋下春水生渡江相送荷主意

過家不畱非我情鷓鴣輕筏下溪足鸚鵡小牕呼客名
賴得郟筒酒易醉夜深衝雨漢州城

贈星上人歸湘中

潭北湘南無影樹一花吹渡海門潮天香滿室定初起
雲氣上衣身欲飄寶月夜寒龍在鉢銀河秋近鵲成橋
豈無一箇邛州竹與爾松根共寂寥

子昂秋山圖

翁昔少年初畫山丹楓黃竹雜潺湲直疑積雨得深潤
不假浮雲相往還世外空青秋一色窗中遠黛曉千鬟
瀛洲雞犬同人境尙想翁歸向此閒

題黃竹村所藏畫卷

雪後成陰玉一坡寒梅疏竹共婆娑經行不覺藍輿遠
點染還疑綵筆多蜀棧煖雲生野樹匡廬晴照落江波
商公已老高公死惆悵誰人奈汝何

過池陽與周南翁同知

使過池陽聞上日好懷浩蕩爲君開江干維舟車馬集
亭上持盃風雨來通夜龍魚聽語竟明年鴛鴦憶朝回
九華秋色翠可食爲問謫仙安在哉

安慶路雙蓮寺得上人超然亭

超然之亭何所超雙蓮孤塔共峩城頭疏雨散花至
江外斷雲將樹朝晨飯舊從香積化晚鐘常送海門潮
尋原悵望空歸去此地安禪試往招

道園集卷三
謝毛山主者贈白羅氅衣請爲作大洞祖宗師
四十五贊

鶴氅裁成雪色新仙翁持寄感情真清高自此全拋俗
寬博由來隱稱身佩玉洞聞雲外響劍光飛射日中塵
畫圖寫向羣真裏便是揮毫贊詠人

送莫京甫廣憲經麻

延春閣下承恩日是我經帷侍講時方擁青編臨綺席
遙看朱紱拜丹墀風微細草鳴珂佩日煖飛花近鬢絲
尙憶遠人嘗軫念莫言南海是天涯

集與諸公遊尙書何公山莊公孫斯明先爲剪
薙荆榛并致酒饌遂得敬瞻尙書墓道盡日乃

還偶成四詩酬斯明兄弟并簡同遊者

盛惠高年陟泰階歸尋仙隱石樓開舊聞前引朱衣吏
每爲行吟綠逕苔夜色園林瓊圃樹春寒庭館石湖梅
世家今有賢孫子黃菊高秋看客來

先君夙有登臨志老去無能共往還敢謂菊華憐寂寞
許教邛竹歷孱顏地高天近惟秋好雲淡風輕盡日閒
早晚涪翁酬素約更從几杖一躋攀

石梯一逕仙凡交過此先見蒼崖坳幽穿斗角潛蛟窟
危出雲根棲鳳巢題字百神驚澗底嘯歌眾籟越林梢
重吟仙伯石樓詠一解齊人山鬼嘲

黃姑仙崖置屋牢我躡飛磴如猿猱環山翠黛是城郭

平地白雲皆海濤人頭關上走馬健仙掌峰前飛隼高
願得金丹換毛骨三清八極資遊遨

黃氏妹之葬予呂他故不及送之既葬之明日
仲常弟與譚元之表姪述事興懷形諸詠嘆後
十餘日始得併見諸公和章集憂患之餘觸事
易於傷感俯仰存歿不覺清涕之交頤也依舍
弟韻亦述二章一呂示黃氏諸甥一呂寄元之
表姪

寒泉涓涓山木秋予弟行役荒原頭忍聽諸甥哭慈母
浩將孤淚灑新邱山川神氣早晚復珠璧輝光日夜浮
不惜衰年待爾輩受成積惠過岑樓

憶別高堂十五秋不堪俯仰雪盈頭翁時贈玉歌清渭
子正將車從太邱久矣孤懷成寂寞勗哉古學矯虛浮
每看舍弟承咨辨如見從容月滿樓

題故太子少傅翰林承旨李野齋幽居圖

車蓋歸來托遠林魯山齒岸魯原深漁樵相識頻分席
賓客時霑舊賜金百歲儀刑猶近古五朝文物至于今
披圖想見登臨地松滿徂徠起夕陰

送江聲伯

家近茅峰無百里羨君來往及清秋每看丹井晨光起
幾見龍池雨氣浮白髮紅塵嗟我老素書玉訣使人愁
仙都羣老渾相識定著雲裘訪羽邱

歐陽元功待制入院後僕呂兼領成均辰酉甚
嚴絕不得相見今夜當同宿齋宮賦此先寄并
簡謝敬惠修撰

學省初兼禁直稀故人同署卻相違食餘苜蓿承朝日
坐候棠梨過夕暉自注成均堂東有棠梨日影至則師生始散二十餘年矣預喜奉
祠秋寺燭定知催襪早朝衣今晨瘦馬經門巷想擁青
綾尚掩扉

次韻張蔡國公淡庵青山寺詩

相國觀山負夙期聖恩祇許暫相違身隨雲影畱三宿
心了泉聲絕百非開士談空依寶樹野人耕雨薦山薇
雙龍深護安禪室繞坐諸天近紫微

次韻國子監同官

坐隱烏皮髀肉消諸生應笑懶邊韶階前老馬隨秋草
袖裏遺編俟早朝乞米西鄰晨有粥畱家南國暑無綃
經明亦是歸耕好清夢無時萬里橋
學官南直禁垣陰假寓惟愁兩壁沈一曲鏡湖遺老事
三年經幄小臣心銀河回夜天逾近草逕迎秋露轉深
珍重鄉人居巷北時能來往和鳴琴

次韻馬伯庸寶監學士見貽詩并簡曹子貞學
士燕信臣待制彭允蹈待制

禁廬曉直夾城西經笥龍光映壁奎繞閣浮雲飛野馬
當階生草伏馴麕雷行已識天無妄風烈惟聞帝弗迷

徒積寸誠無補報每還冰署欲雞栖

其二

奉節通霄虎帳西重光貫玉護文奎賜餘分食兼羔雉
侍側專茵雜豹麕樂事易成團月怨吟情深入五雲迷
上林更有高枝在彩鳳還來擇舊栖

鼇峰者國史院庭中石名也伯宣御史爲僕言
自其先公時與諸老名勝賦詩者蓋數百篇今
玉堂無本而御史家具有之且曰峰所托差低
盍稍崇其址迺八月五日旣克如命因賦此
報且請錄示舊詩補故事呂傳云

視草堂前石一拳何人移置自何年久憐翠色連重地

故拔孤根近九天俯仰百年承雨露等閒千尺接雲烟
故家御史遺書在爲錄鼇峰舊賦篇

進講後侍宴大明殿和伯庸贊善韻

丞相承恩自九天講臣春殿秩初筵養賢敢謂占頤象
陳戒猶思誦抑篇旣奏虞韶兼善美豈無后稷暨艱鮮
願推餘澤均黎庶樂只邦基億萬年

劍履歸來帶玉瑤元臣促召不崇朝盍簪誠與朋求助
納約須從牖向招御柳新條臨晝殿仙桃曉色上春潮
校書寂寞揚雄宅亦賦凌雲麗九霄

十一月二十夜思仲常弟

江梅應發去年叢叔也俄爲畢竟空來後去先康節苦

離多會少子瞻窮近書時閱猶疑在舊學重思孰與同
萬里相從憐季子白頭清淚夜窗中
還京聞訃在秋餘老淚無多眼易枯丹旄到無頻入夢
佳城得否未收書食貧未已憐孤幼述惠無聞愧老夫
忍讀近緘成永訣爲教衰薄趣歸與

次韶道士寶神清賦舜粟

帝惠無爲保太和歷山遺種有嘉禾想經稷教躬耕法
正及堯時擊壤歌或二九秋新雨露離二千古舊山河
曲肱飲水幾忘肉最憶宣尼感歎多

太乙道士張彥輔日本國人從元惠真人學道
妙齡逸趣特精繪事爲其友天台徐中孚用商

集賢家法作江南秋思圖東觀大隱夫虞伯生

爲賦此詩

三年別卻釣魚磯晝看新圖夜夢歸石壁蒼松含爽氣
江沙翠竹弄晴暉西瞻雪嶺家何在東入天台路轉微
賀監若蒙湖曲賜遍翔千仞振塵衣

贈寶神清歸隱茅山

翩歸鶴自遼東又向茅山擬住冬啄食定依何處竹
結巢應得古時松雪滿空山騎隻虎月明秋水佩雙龍
別來彷彿三千歲亦欲還栖第一峰

題南野亭

門外烟塵接帝局坐中春色自幽亭雲橫北極知天近

日轉東華覺地靈前澗魚遊留客釣上林鶯轉把杯聽
莫嗟韋曲花無賴留擅終南雨後青

送貢仲章學士奉祠嶽瀆

三十過從今六旬故人惟我兩吟身空譚作賦相爲壽
寧復升堂互拜親送別轉令嗟影獨思歸從此上心頻
南湖春滿鷗波綠定艤漁舟往問津

次韻吳成季宗師赤城阻雨

人間伏日當早休道上馬車如水流神仙不愁風雨夕
父老已知禾黍秋誰憐司馬久多病惟有杜康能解憂
北溟之鷗六月息載我八極恣遨遊

次韻伯庸尚書春暮遊七祖真人庵兼簡吳宗

師

賞心不作三春過高興都爲百事牽願解蘭舟溪水汎
思攜藜杖野雲穿真人館在無塵界太尉詩如絕行仙
花下共遊仍獨往不辭泥醉晚朝天

石渠承雨作流泉中有參差荇菜牽花近飛觴魚駭逝
柳低步障燕隨穿紅塵朝路常參吏清書齋居幾劫仙
但乞會稽尋賀監酒船一植水中天

花時宮館多賓客春酒盈缸餼在牽據石發歌風爲起
臨流揮翰硯將穿紫髯一去惟憑夢白髮頻搔豈解仙
賴有看雲高閣在江東烟樹其晴天

一住京華三十年春花秋月謾相牽高情總付珠簾捲

危坐空餘木榻穿水曲停驂新禊事牆陰題字小遊仙
動成陳迹多惆悵安得長生老後天

送宋誠甫太監祀天妃

使者受節大明殿候神海上非求仙廟前水生客戾止
帷中靈語風冷然麗牲有石載文字沈璧用縑求淵泉
賈生何可久不見海若率職君子還

觸石墜馬臥病蒙恩予告先至上京寄漑之學

士敬仲參書

翠幄臨都尚駐郊言瞻龍漠度前茅雨餘草氣千原合
日下雲章五色交給札修詞持玉筆賜羹充腹出瓊庖
白頭感遇知何補阿閣清嚴栖鳳巢

趣召顛躓歎目昏旋聞予告荷深恩藥頒西域千金劑
酒賜初筵九醞尊默憶舊書忘晝永行吟冷署覺春溫
摩挲素壁光於雪思得參書寫樹根

閒閒宗師和前韻期望過當復用韻以謝

草堂長憶蜀西郊屢卜歸休自結茅司馬檄傳驚父老
少陵詩苦入神交山多美竹深宜屋江有嘉魚遠致庖
乞得閒身當及早堯時元自有由巢

書卷連牀度曉昏懷歸猶復戀君恩養生賴得南華論
好客時傾北海尊山木向秋俱老大海霞迎日共清溫
蓬萊正與鼇峰接幾見浮雲起石根

雲州道中數聞異香

雲中樓觀翠岩堯載道飛香遠見招非有芝蘭從地出
畧無烟霧只風飄玉皇案側當霄立王母池邊向日朝
卻袖餘薰散人世九天清露海塵飄

鎮曰此則近於語怪矣

次韻楊友直北行道中

蕭二戎馬昔升虛壯士吹笳慘不舒關外羽書三月急
道傍茅舍百年餘沙田雨足仍生黍河水冰消不禁漁
洛下賈生猶獻策平明立在玉階除

王儀伯參政見和郊字韻詩復用韻敘謝

龍遊宮沼鳳遊郊通水明堂不剪茅綿蕤草儀三日具
大烹饗帝五雲交執輿已信神爲馬和鼎寧容祝代庖

八月涼風張樂地頌聲洋溢播雲巢

聖遠言溼感墊昏河汾千載勛知恩垂紳論道稱前古
束髮明經奉至尊車騎身從遊汗漫庭闈心在視寒溫
朝回未覺歸途晚斗杓西移揭角根

十月十六日奎章奏對回至李漑之學士宅宣

旨行香孔林桮上得住紙因賦此詩并得其鎮

紙玉蟾

聖恩深念魯東家林木蕭條散暮鴉丹詔先令修古廟
彤庭卽日遣皇華閣中學士馳山驛天上文星絢海霞
偶爲傳宣到東閣就牀奪得玉蝦蟆

次韻馬伯庸尙書

邃閣晨趨禁掖西莫街騎馬及雞栖退朝每想花邊散
得句應從竹上題賜被南宮無宿火齋居方丈有蒸梨
鳳池何似承明近久候文星共聚奎

送甘太史祀名山大川

太史名山閱秘經承恩衣繡許趨庭江頭飛蓋逢春雨
林下幽人識使星宣室夜深蓮燭絳石渠風煖竹書青
清朝盛典須陳蹟最想遄歸駟馬駒

投甘太史并寄天臺武夷太無三君

武夷山裏芝三秀華頂峰前黍一炊湖老每懷鴻去遠
山人毋謂鳳來遲浮關紫氣緣書住照夜青藜賴客知
賀監清狂天所放故令華髮待安期

子昂墨竹

高崖數竹凌風雨老可當年每畫之修影自憐流水遠
虛心如待出雲時縱橫鴻爪畱沙磧宛轉鷺羣向墨池
百世湖州仍見此故知王子善參差

孫澍曰詩妙于切

二十五日卽事呈閣老諸學士

松陰鶴立候宮車風送飛花著白鬚水影漸移簾側畔
鶯聲祇在殿東隅近牀擬進賢臣頌載筆親題列女圖
太液雨餘波浪動龍舟初試散魚鳧

賦胡氏皆山

萬山起伏如波浪外固中寬故可居日出擁金千仞雪

雲生納翠八窗虛亭中畱客多爲酒谷裏成樓更貯書
朝往莫歸勞杖屨醉翁應不憶環滁

賦碭山簡陳卿心遠亭

作亭臨河一水渾草樹繞屋啼鳥聞夢回枕上彭城雨
目送檐閒芒碭雲歸來黃菊有佳色坐老青山無垢氛
但願尊中長得酒曲阿莫問舊參軍

送全州錄事

武昌郡城公事少錄事官曹盡日閒且可隨雲度流水
更宜把酒看青山階前虎跡石苔紫雨裏鳥聲江竹斑
應會吟詩一百首寄與明年春雁還

與眾仲助教譚王臨川遺事慨然興懷良上人

爲蔣山善公求送行因爲賦此

霜筠雪竹鐘山寺最憶臨川舊所遊病骨荒陂秋澹一
白頭遺恨思悠悠二燕歸雲海迷華屋鷺起星河近綵舟
欲托善公重到日松閒石上試相求

翁覃溪曰此詩可題於李雁湖注荆公詩后

玉堂讀書

玉堂策士詔儒臣御筆親題墨色新省樹坐移簾底日
宮壺馳賜殿頭春虞廷制作夔龍盛漢代文章董賈醇
書閣莫年偏感遇但歌天保答皇仁

謝吳宗師送牡丹并簡伯庸尙書

輕風紫陌少塵沙忽見金盤送洛花雲氣自隨仙掌動

天香不許世人誇青春有態當箇近白髮多情插帽斜
最愛尙書才思別解吟胡蝶出東家

和范惠機從楊撫進士見寄

清江先生最好奇十年不出髮如絲田舍每詢歸後計
玉堂今見寄來詩風前雨過林花動日下雲行省樹移
還覓舊遊春欲莫楊撫爲我道深期

送進士劉聞文廷赴臨江錄事

清江百丈石爲城太華千峰積雨晴官府幾時書帙靜
漁舟盡日釣絲輕故家好訪春秋學上國多傳月旦評
頗有老懷煩錄事到州爲問范先生

大廷策士問經世之道僕忝在讀卷之列觀諸

進士所對有感賦此錄以贈別劉生粹中支渭

興文舉二賢良

昔人有欲問先天林下相期二十年已向塵埃成白髮
尙從燈火事青編獲麟遂訖春秋後鳴鳥猶聞禮樂前
春雨未來農事晚獨懷歸計在山田

翁方綱曰整頓精微是律體之兼有興會者惟呂問
先天作起句未知伯生易學何如也放翁集中亦喜
譚易均弗知其意所在

羅朋友道擢高科拜官還崇仁賦此爲別

重溪疊嶂竹交加曾著芒屨蹋白沙名勝多年嗟寂寞
文章此日羨才華青雲步武纔重見白屋詩書尙幾家

鄉邑相逢煩告語好敦忠信作生涯自注白沙友道居近之昔崇仁有何同父尚書李公父舍人墳墓故宅在焉國朝六科崇仁舉進士第者惟家弟與友道才二人故云重見所曰深期望於來者云

贈趙生

天門一日觀黃榜茅屋三年掩素扉湘帙蠹魚春雨潤
練囊螢火夜光微夢游朔雪留鴻跡思入南山望鶴飛
會倚宮牆看射策上林初日炫朝衣

贈昇龍觀主

榻前親製先生號賜與江南謝舜咨大華雲開天使下
少微星動史官知龍飛滄海留珠樹虎臥丹房守玉芝
聖主無爲千萬壽更應築館候安期

訪李真人不遇

退朝花底佩珊珊去訪真人曉出關芳草欲迷行徑古
長松深護步廊閒蒼龍挾雨得瑤簡白鹿穿雲致玉環
如到天壇看月影定知清露滿人間

賦壺洲

傳聞海上有元洲曾是安期舊所遊千頃白雲都種玉
一杯弱水不勝舟魚龍夜護黃金鼎鸞鵠晨朝紫綺裘
波浪不驚星斗近步虛聲裏度清秋

完哲篤下第歸蜀

西郊長憶草堂吟塵外幽居更可尋奏賦上林春事晚
攜書舊隱歲華深濯錦江波紅灩澦浣花潭水碧沈沈

白頭未覺歸歟莫待子重來獻好音

吳宗師夢予得山居奇勝特甚夢覺歷二分
欣然相告賦此

宗師夢我山居好笑我生平豈有之野服許辭金殿直
俸錢足辦草堂貲安知蓬島非兜率不是匡廬定武夷
還有勝緣同晚歲至人無睡已多時

翁覃溪曰銅凡拓彈電轉月圓

富李簡伯司業分俎

憶昔同堂肄樂歌朝陽煦二午風和炮羔升俎堆紅玉
醕酒盈尊汎綠波坐席已成三載別交情猶似嚮時多
尋常飽惠盜私我願賦緇衣上禁坡

次韻朱本初訪李漑之學士不遇

城南城北暖塵飛伐木相求苦未歸吟到碧桃還細雨
行來芳草又斜曛綺窗絲筆題詩遍斗帳沈香入袖微
共載小車勝走馬重游莫待曉紅稀

寄趙子敬平章

聞道乘閒入翠微猶愁嵐氣濕人衣道傍野樹飛花盡
溪上春雲作雨歸故舊釣絲輕在手仙人棋局靜忘機
赤松曾許同千載擬向高秋傍鶴飛

仁壽寺僧報更生佛祠前生瑞竹有懷故園

聞道故園生瑞竹試從來使問何如蒼筤獨出千叢裏
翠節駢生數尺餘比管可吹丹穴鳳長竿莫釣錦溪魚

折筵已向靈氛卜亦說能歸似兩疏
聞道故園生瑞竹令人歸興滿江干扁舟不畏瞿塘險
匹馬誰云蜀道難杜甫溪頭花匝匝孔明廟裏柏闌珊
新堂題作歸歟字定得臨江把釣竿
聞道故園生瑞竹山僧爲我重栽培百年雨露餘生息
一日風雲幾往迴壠上枯桑烏萃止城東華表鶴歸來
聖恩若許歸田里千石清尊爲爾開
聞道故園生瑞竹吾家孫子好歸看佛祠竟日春陰覆
先隴多年莫雨寒門戶淒涼嗟老病鄉關迢遞報平安
重來慎勿勞余夢駟馬橋邊據馬鞍
錡曰先生于此君興復不淺

題張太玄爲陳升海畫廬山圖

誰向匡廬成舊隱畫中一似夢中看千株松樹參天起
一箇茅亭傍水安清風空谷傳吟嘯白日高岑生羽翰
寄語山中陸修靜葛巾不畏過溪寒

別國史院鼇峰石

秋雨莓苔數尺身文章曾見百年人吁嗟一代興土盛
付托諸公製作新垌野有詩皆在魯泰山無刻更先秦
鳳麟一去無消息空使駑駘愧後塵
執戟揚雄久不遷頻年從幸到甘泉賜歸特許先三日
作賦時令奏一篇翠勺娛人花帶露貂裘倚馬草橫烟
殷勤爲謝堂前石何處秋來共月圓

神鳳琴

鳴鳥人閒久不聞遺絃欲托斷琴絃曾看土鼓歌朝日
亦共陶尊醉夜分五色雲中迎太乙九疑山下望湘君
采詩應被唐風譜早晚樓船或祀汾

繼陶居士傳

汶水滔二蜀嶺高飛蓬千里棘心勞道閒乳虎作人語
城上慈烏向子嚶玉樹歌殘斷王氣朱門往事付鴻毛
將軍莫歎今爲庶居士當年已繼陶

謝書巢送宣和瀘石硯

巢翁新得瀘州硯拂拭塵埃送老樵毀壁復完知故物
沈沙俄出認前朝毫翻夜雨天垂藻墨汎春冰地應潮

恐召相如令草檄爲懷諸葛渡軍遙

送蘇伯修御史

新除御史南臺去頓覺文星闕下稀病起可堪江霧濕
信還莫待苑花飛千年鳳鳥來阿閣萬里鱸魚出釣磯
總道揚雄文最古君知頭白久思歸

次韻柯玉文寄別

避弋驚鴻過遠汀啄苔病鶴想華亭臨邛枉騎情都盡
於越扁舟影更俜賓客莫詢温室樹君王猶問楚江萍
重來賈傅非年少前席從容對夕廷

謝書巢惠梅花

巢翁遠送梅花樹正在東風四日前紅萼無言餘舊雪

道園全集卷三
白頭相見又新年喜從嘉樹來江雨憶共香杭上海船
春夜不眠賓客醉只畱孤鶴伴清妍

再用韻簡巢翁

豈無尊酒梅花側聞道長齋繡佛前官閣護雲宜煖日
小車衝雪稱高年願辭閣下金蓮炬但乞湖中罨畫船
約取巢翁攜鶴去鬢毛同白不爭妍

送玉泉長老栗木果

非青非黃栗木果使者西川馬上來楚國共疑金橘味
衛人祇道木瓜栽頻婆妙色情懷別橄欖餘甘齒頰迴
歸到玉泉應說法試令關老聽轟雷

送王君實御史

頓覺文星闕下稀旁人猶道此言非東風十日京城雪
西道三春客子衣鶯滿鞦韆川君定到鵲啼劍閣我思歸
千花並繞圖書府相待承恩入紫微

寄句曲外史張伯雨

獨抱長鑱管白雲琴心誰錄內篇文清齋三日秋仍瘦
徧禮羣真夜每分石記恐妨塵外事山經聊許世間聞
已從司馬求真籙更爲通章九老君

寄荅馬昂夫總管

白髮先朝舊從官幾年南郡尙盤桓九華山裏詩題徧
采石江頭酒量寬雁到京城還日莫馬懷餘棧又春殘
何時得共鳴皋鶴八月匡廬散羽翰

觀大洞經書與董道士

江東昔有大茅君大藥親令二弟分紺綠俄消頭上雪
夕黃初合洞中雲雷鳴春谷龍三變月滿秋空鶴一羣
一落人間成老大何年名字刻瓊文

送劉宗師歸茅山

長松落二千峰雪碧漢寥天一鶴風十月暫離句曲洞
早春還謁大明宮君王舊識蒼龍劍圖書新傳白髮翁
欲把紫芝歌隱惠三茅應聽月明中

與薩都刺進士

當年薦士多才俊忽見新詩實失驚今日玉堂須倚馬
幾時上苑共聽鶯賈生誰謂年猶少庾信空慚老更成

唯有臺中爲侍御金盤承露最多情

送歐陽元功謁告還潯陽

憶昔先君早識賢手封製作動成編交遊有道真三益
翰墨同朝又十年心似古人機獨敏用周當世惠仍全
雍祠已有蒼崖石欲托高文與代傳

曉奉新書進御牀解纓隨見濯滄浪歸鴻不計江雲闊
倦驥空懷野水長竹簟暑風魂夢遠茶烟清晝鬢毛蒼
藍輿千里宜春道投老相求水石莊

送王師魯編修祠南鎮

山陰巖壑多陳迹王事能來况莫春太史好探神禹穴
老夫先是會稽人海東日出雕闌近湖上風生白苧新

若得梅樓同晚飯便從賀監卜爲隣

次韻楊友直

史館能容客避囂深簾飛絮書寥寥數枝芍藥誰相贈
一束生芻故可招坐定驚雷經席上酒闌纖月在林梢
何由長共陶弘景聽取松風作鳳韶

題東平王與盛熙明手卷

原序

宋宣和手勅一通卷首題識四字我朝英宗皇帝御書也帝嘗曰至治三年正月十五日幸五華山臣有曰此書獻者丞相拜住侍側就題曰賜之旣歸第曲江盛熙明寫金字佛書一帙贊丞相丞相因曰此卷贈之且語曰其故至順三

年三月八日熙明屬歐陽元記其事於左方

聖代御題前代勅小臣叨備史臣書事業久爲人土苴
文章猶作世璠瓊海淪碣石圖空在墓築祁連計已疏
誰識全燕天所眷萬年形勝帝王居

和馬侍御西山口占

崑崙宮殿水西頭春日時聞翠輦遊霧引旌幢連閣道
風傳鐘鼓出城樓羣臣頌惠金爲刻萬歲稱觴玉作流
避暑醴泉涼氣早旋京應喜大田秋

到先隴爲墓人書

未忍他鄉作故鄉故因使騎入陵陽鄉人共訝聲音似
客路疑將鬢髮蒼親老長懷鄉里意孫多宜寘墓田旁

治生自可依諸葛數頃膏腴八百桑

八月十五日傷感

宮車曉送出神州點二霜華入弊裘無復文章通紫禁
空餘涕淚洒清秋苑中苜蓿烟光合塞外蒲萄露氣浮
最憶御前催草詔承恩回首幾星周

題煖翠亭

老去唯思臥白雲一亭萬竹喜初聞波回曉日鴛鴦並
沙散晴烟翡翠分把釣左泉歸衛女乘舟北渚望湘君
誰能獨采薇盈袖却道高寒思不羣

送許有孚赴湖廣提舉

奉詔掄文秘殿西才華知合藉金闈思親浩蕩江波遠

戀闕遲回苑樹低望鶴樓前移綵鷁吟詩花底聽黃鸝
歸來尙覺春風早雁字充庭玉筍齊

賦石竹

積雪初消萼綠華東風吹動絳綃霞龍嘘石氣千年潤
鶴過林陰一逕斜刻字欲尋金錯落析旌如織翠交加
綺廡坐對吹笙暖未覺人閒歲月賒

集爲朶兒只慎齋平章題紫微亭用王右丞語
也并賦詩一首奉寄

右丞昔向終南住獨對南山賦紫微春雨乍收原上牧
晚晴仍見谷中歸好畱杜牧爲賓客更覓園公共蕨薇
聞道新亭多雅興想持尊酒看清暉

賦碧筠堂

藹二江東雨後雲碧筠堂上注芳尊眉山老去無賓客
淇水春生有子孫團扇晚涼留翠黛疏林織月對黃昏
問誰吹得參差玉為斲蒼苔向石根

奉同吳宗師賦蔡七祖新齋

城南烟樹聽鶯啼石上莓苔覓舊題自有琴心傳內景
更將書帙事幽棲晚來相鶴風生竹雨過籠鵝水滿溪
蜀客草玄成底事蕭條白髮愧青藜

次韻吳宗師

硯池滿貯薔薇水鏗腹輕磨翡翠釵仙苑烟雲隨地煖
道山風日向春佳巢笙夜二鳴金屋飛鳥時二步玉階

祇恐江頭花事晚漫勞車馬賦茅齋

寄來鶴亭主人

惠清舊館何時到雨後春泉定滿池綠字久無弘景信
紫苔應長少霞碑數峰烟樹天垂野千頃鷗波雨散絲
海內交遊多老去為誰溪上放船遲

送王中夫赴安慶教授

太行積雪都消盡船到舒州水正高江樹連城分野色

門生加豆薦溪毛尋原自去書山石問字誰能載醴醪

為覓種椒張處士早收丹實待歸舫自注集延祐己未

有張教授與予同舟從者得椒實數升至江右種皆成

集復來京師又十數年山中椒已無存者可為求種秋

送張兵部巡視運河

畫橋冰泮動龍舟，鴨綠潏一出御溝。
使者旌旗穿柳過，人家鳧雁傍溪浮。
桃花吹雨春牽纜，江水平堤夜唱籌。
應有餘波方浩蕩，不令歸楫恨淹留。

謝吳宗師惠墨

念我衰年不廢書，錦囊古墨送幽居。
明窗塵影丹同熟，元圃雲英玉不如。
敢爲文章勝虎豹，祇應箋註到蟲魚。
研磨不盡人間老，傳與兒孫尚有餘。

再和二首

慣見天真按筆書，七言宛麗出閒居。
誰云太璞無存者，藏在丹房已久如。
寫韻臺虛人跨虎，換鵝池暖水生魚。

元霜比似金丹秘，祇得刀圭便有餘。

家傳戈法負遺書，得墨深將藻繪居。
華采每慚誇既往，平安聊遣問何如。
畫殘翠黛愁蛾綠，寫得黃庭辟蠹魚。
鬚髮如霜還可染，硯池不敢棄君餘。

三用韻答巢翁就呂奎章賜墨予之

隣父長思長史書，不辭頻謁惱巢居。
臨池三月_{相盡}對月千篇白雪如，賦敵洛波翔翠羽。
歌成湘浦媵文魚，故分瀘石松烟色。
猶是奎章舊賜餘。

四用韻寄吳宗師奉祠城東岳祀其二謝夏真

人送海棠一枝

休奉東封遠獻書，神宮咫尺九重居。
香飄秘殿人嚴若

靈降方壇樂翕如水上被除祠候燕雨中歸牧夢占魚
此時最憶風雲地濯二清沂詠歎餘
定計歸來已束書高齋虛寂似禪居好花送與春風共
病日愁看宿霧如四月出林多野筍半陂流水足溪魚
今春又過今秋早一飯跣趺不願餘

謝吳宗師送牡丹

人人看盡洛陽花誰似堯夫小二車高閣每煩君實望
西街還過伯淳家東風寒食炊烟散燕子空梁莫景斜
最憶秦城坪上樹樵人祇向擔頭誇

題著色山水圖

江樹重二江水深楚王宮殿在山陰白雲窈窕生春浦

翠黛嬋娟對晚岑宋玉少時多諷詠江淹老去倦登臨
扁舟却上巴陵去閒聽孤猿月下吟

題熊太古畫

亭上長松三百丈何人可侶此經過窮冬藜杖出同谷
清夏籃輿還曲阿栖鶻每來從島嶼老猿時復下藤蘿
王維韋偃久不見病目摩挲愁奈何

送趙伯常自中臺出貳淮憲

淮南地沃徧宜麥况可扁舟弋雁鳧此地正須能賦客
中臺新剖使君符山城過雨驚春盡野老扶藜到日晡
行部若臨江岸闊烟波冉二有漁夫

送淨慈書記

寒梅的_二西來_一意翠竹青_二劫外春日_一出碧雞山作霧
臺空彩鳳地無塵八年寫遍湖光好萬里歸來月色新
我在錦官城裏住白雲滿屋便爲隣

送趙秉彝因王君實末章已起句

朝裏儒官盡白頭斯言三復使人愁芳叢獨見芝蘭秀
早歲不矜稊稗秋藏書靈谷訪遺老把釣清江懷故侯
大中樑棟小榱桷匠氏尋引還相求

棋曰興會斐然不爲律縛正如王右丞畫雪著芭蕉
可於神致求之不可已理詰也然學者慎無圖兒爲

題畫

緝熙殿裏御屏風零落誰收百歲中錦樹總含春雨露

畫橋猶是舊青紅花開陌上懷歸燕潮落江頭送去鴻
何似綠波生太液絳桃風急綵船東

城東觀杏花

明日城東看杏花丁寔兒子早將車路從丹鳳樓前過
酒向金魚館裏賒綠水滿溝生杜若煖雲將雨少塵沙
絕勝羊傅襄陽道歸騎西風擁鼓笳

題張希孟中丞送畢提點申達卷後

十年七聘不還朝起爲飢民夜駕輶嘉樹百年誰忍伐
生芻一束不能招西州華屋交遊少北海清尊意氣消
欲寫濟南名士傳泉聲山影晚蕭蕭

寄海南故將軍

海上風來五月秋，晚涼應上木蘭舟。
金盤丹荔生南國，玉腕清冰出北州。
狂客醉時花作陣，美人歌罷月如鉤。
期門舊識將軍面，從獵還披翠羽裘。

次韻宋誠甫學士城南訪病莫歸

騎馬城南覓舊題，飄蕭席帽碧雲低。
東風花柳過韋曲，落日兒童唱大堤。
繡閣豈無和玉髓，錦囊還有鑄金蹄。
歸來吟轉樓頭月，池冷芙蓉翡翠栖。

翁覃溪曰實迺字字吟哦頓挫而出

寄泉南三老人

春城連海樹扶疏，中有幽人八十餘。
庾信流傳江左賦，伏生零落濟南書。
鄰翁社舞尊多酒，弟子晨炊饌有魚。

前代衣冠今絕少，故懷三老載安車。

次韻答眾仲助教相壽之句

老牛無力服柴車，道遠鞭驅未到家。
碩果長畱霜後樹，寒梅深辨雪中花。
青城萬里懷空谷，滄海千年望太霞。
賴有良朋相慰藉，釣竿隨分倚江沙。

題康里子山尚書凝春小隱六韻

羣玉府中香滿袖，凝春亭裏看花開。
綵雲近席微風動，紅日當窗好客來。
西海珊瑚階下長，東家胡蝶雪中迴。
竹深每聽尚書履，池煖時分太液杯。
鳳羽浮烟金錯落，鵝羣隨水白氍毹。
人間應得函封帖，青李林禽繞舍栽。

次韻杜惠常博士萬歲山

秘閣沈二便殿西頻年立此聽春鷗風搖翠岸新生柳
雨滬銅池舊產芝玉几由來常咫尺衡門此日遂栖遲
申生欲去柴車在杜甫長吟雪鬢垂墨沼遊魚翻宿藻
畫檐飛燕冒晴絲山中竹簟涼如水應夢釣天九奏時

次韻朱顯甫

御溝雪融三月初鳧鷖鴻雁總來居葡萄水綠可爲酒
楊柳條青堪貫魚池邈天河起箕尾滉漾雲海浮青徐
舟前花落傍飛燕堤上風來濕舞裾翠輦時畱金駮麩
錦波不著玉夫渠臨流宋玉偏能賦莫待東都客問余

道園詩集卷第三

虞文靖公道園全集卷四

在朝橐

四

絕句五言

燕陳公子宅贈燕學士

落日照大隄花間聞馬嘶城頭鼓角起相送五門西

宣和墨竹寒雀

眼昏身手鈍上馬怕風沙祇好扶藜杖循籬看落花

題旦僉司所藏慧甄腐瓜行蟻圖

瓜腐來螻蟻梧生致鳳凰荒園空宿雨阿閣自春陽

雙鴛圖

戢翼石梁陰秋風日夜深使君莫行野江水蕩人心

畫扇雀竹

啄粟野田莫飛鳴亦求雌誰家江上雨發船歌竹枝

畫扇柳蟬

不食遂終日長吟如老翁金盤九秋露玉樹一絲風

畫雙蝶

舞罷庭花落池邊看睡鳧無端雙蛺蝶飛上繡羅襦

商憲符畫松

松根生茯苓松葉纏兔絲服之可長生歸哉南山陲

河梁泣別圖

落葉滿長安秋風漢節還裁詩寄歸雁三月到天山

缺曰含意不露是唐賢絕句體裁

題蒙古松壑書

長風壑中來吹雨洒高竹憶昔曾見之終南跨黃犢

捕魚圖

網罟日相從天寒澤國空釣竿長倚樹老却渭川翁

子昂畫

拂石叢竹閒采蘭幽林下游子憺忘歸何日遺遠者

又

松上一枝雪竹閒千本蘭江濤嗟遠道風雨憶春寒

雜寫

韓子登華封縣令捐其階囂呼始得下亦不傷雅懷

其二

粵人善操舟先去令人愁今年水未落不見葦蘆秋

其三

狂罵人不怒徒然傷天和問君丹邱月當勝白蘋波

其四

雲閒陸士龍寧知千金贖文章倘有取論薦何愧辭

其五

長鬚一握雪昏目九重雲不爲成去計猿鶴皆怨紛

其六

夕望姑蘇月晨瞻太湖波金章還闕下隨意覓漁蓑

其七

貪祿戀君恩三年金馬門願於堯舜世頭白老人村

題柯敬仲雜畫

北苑今仍在南宮奈老何青山解浮動端爲白雲多

其二

雨過蒼苔石雲生野岸泉幽懷春冉二稚子秀娟一

其三

鐵石餘生色冰霜作曉妍春雷明日起何處尙龍眠

其四

雨過黃陵廟蒼梧雲正愁何時倚虛幌對此滿林秋

其五

江上秋漠二風雨晚蕭一千載誰相識惟應待老樵

其六

道園集卷四
昔過箕營谷鉤衣石肉斜擬尋龍作杖拾得上天槎
其七

黃金千鎖甲瑠玉六簾鈎雨送鴛鴦夢烟籠翡翠愁
其八

娟二生玉潤楚二作金聲羽扇迎風定羊車過月明
其九

峽口春雲重江南夜雨多水深桃葉渡風急竹枝歌
其十

蒼涼初出口黃落早知秋不遇采芝客寧知叢桂幽
其十一

明堂要梁棟大匠取修直鬱屈崖石間秋風動蕭瑟

其十二

平陸蒼龍起近山生遠烟前村三萬頃明日水平田

其十三

莓苔生石路翠竹自交加不惜青鞵濕臨流蹋白沙

其十四

昨夜采樵去偶逢三尺枯山人不到海不識是珊瑚

其十五

瀟洒一枝新惟堪掃淨塵白雲在窗戶畱作老僧隣

題李漑之學士湖上諸亭

烟蘿境

玉女乘烟霧松閒采薜蘿飛行了無跡明月送空歌

金潭雲日

金沙灘上日潭底見雲行祇有琴高鯉時一作作羣

漏舟

春水如天上秋潭見月中如何列禦寇猶欲待冷風

紫霞滄洲

洞裏琴鴻澗洲前棹入雲儼尋雲谷叟同訪武夷君

秋水觀

湖深山影碧天淨月光空幸自無波浪蘋花漫晚風

無倪舟

三周華不注水影浸青天不上銀河去空明擊棹還

紅雲島

日出湖邊曙雲生島上紅絲舟移曲岸白塵對微風

蕭閒堂

受業蕭閒老令人憶稼軒高堂何處是湖曲長蘭蕙

松關

黛色浮空表蒼髯積雪邊雞鳴從此度掉臂向秋天

大千毫髮

善聽返無聲善視入無覩還將一縷雲散作萬山雨

觀心

炯二燈留室微二息若存仰探當月窟俯察識天根

題熊太古畫二首

路過秦時檜家留蜀道山長安都看徧回首入柴關

其二

海內此亭古幽村春事多扁舟歸未得江水已生波

敬仲竹樹怪石

雪樹寒逾勁霜筠晚更修元雲動蒼石令我憶湖州

雜言

題柯博士九疑秋色圖

余獨游兮洞庭野雲徘徊兮天將雨望九疑兮不可見

結幽篁兮聊延竚

題柯博士畫

登孤丘而望遠見江上之楓林放余舟兮澧浦何天高

而水深

絕句七言

次韻竹枝歌答袁伯長

沙禽乘去避網羅蕩舟相逐如遠何越山青越女白

從此勞人魂夢多

春江風濤苦欲歸東盡滄溟南斗低明年白日百花靜

憶爾琴中烏夜啼

燕姬當鑪玉雪清簫中吹得鳳凰聲不及晴江轉柁鼓

洗盞船頭沙鳥鳴

木夫容

九月襄王宴渚宮霓旂翠羽度雲中滿汀山雨衣裳濕

宋玉愁多賦未工

水夫容

長洲宮沼醉西施蕩漾蘭舟不自持願奉君王千歲樂
一盤清露玉淋漓

送四川憲使

晚趨嚴召直承明侃二論思歲未更國老不應持節去
鄉人徒羨過家榮
錦溪園裏千竿竹夏日移牀就綠陰烏帽練衣邛竹杖
閒來誰與其清吟
已歎玄經返墨池復愁國史奉嚴祠離鄉遊子歸仍晚
獨對東風惜鬢絲
小東郭外今無舍萬里橋西况有田不恨錦官非昔日

知尋玉局是何年

龍游峽口芝千本仙井山中玉數匳老去首丘天所念
未甘孫子祇東南

曹將軍馬

高秋風起玉關西踣鐵歸朝百萬蹄貌得當時第一匹
昭陵風雨夜聞嘶

舊屋

舊屋已屬他人家臨風且復立江沙欲從子雲訪墨沼
更向少陵尋浣花

誰家

誰家結屋倚江湍五月湍聲入座寒種樹已堪維馬騎

開軒即可把魚竿

馬圖

昔在乾淳撫蜀師賣茶買馬濟時危鄉人啜茗同觀畫
解說前朝復有誰

先君太史棄諸孤之四年集來吳門省連州府
君之墓始見叔父南山翁二與集同出太師雍
國公蓋四從矣翁曰後會未可期幸畱數語識
歲月翁方客授外鄉又曰推人生年月日論禍
福曰代耕故不能久畱城中敢用賦此曰承命
云耳

玉屏古柏與天齊使過於今又七期各道遺書向江

西風江水鬢絲二

玉遮墓下有諸孫東望滄波每斷魂泣血三年餘喘在
更將衰淚灑荒園

族人散處江南郡不識音容但記名世澤須令孫子憶
故家今幾尚簪纓

王母圖

瑤草春深盡日閒靈芝清露自怡顏雙成吹徹參差玉
八駿人閒去不還

偷桃小兒癡且妍恃恩無賴更蒙憐竊翻雷電天公怒
風雨落花紅九川

黃竹遺墟白雪高空桑戴勝向晨噪茂陵多欲非仙器

枉賜金盤五色桃
西望瑤池斗柄旋
金明水淨月娟二
請觀阿母神仙籍
名在龜山第幾篇

竹杏沙頭灘瀨

蛺蝶飛來石竹叢
羅襦曾試繡紋重
荷花啼鳥銀屏暖
臥看庖閒唾碧茸

閩州海棠

閩州城南天下稀
海棠參天鸚鵡飛
百年高興付蕭散
老著西江何日歸

畫猿

冷泉亭下呼常到
巫峽舟中聽更愁
老石枯藤還見汝

因懷經處思悠二

記夢中詩二首

出海雲霞九色芒
金容滉漾水中央
向會賜服元洲玉
今結蕭臺五鳳章

飛步崔嵬上九宮
親題彩筆篆明虹
玉樓臨海連天碧
待子扶桑鶴出籠

失卻漁磯返棹遲
幾回石上候安期
老翁巖下諸年少
總解題詩笑鬢絲

題周東陽進士爲南郭園林記後

南郭名園纔隔縣
好沾花竹及清時
歸來未老柴車在
百里尋春定可期

維摩

二士同開不二門是何境界擬評論若爲普供諸香飯
貴得薰聞識道根

錢舜舉折枝夫容

白髮多情憶劍南秋風溪上看春酣剪來一尺吳江水
擬比千花濯錦潭

商憲符小景

商公昔者觀秦蜀劍閣崢嶸筆底開又向江南住三載
不爲廬阜卽天台

天麻改元十月題子昂馬

朝廷無事日從容太僕承恩出九重前代王孫今閣老

祇畫天閑八尺龍

翁覃溪曰此與王孫今代玉堂僊用意又別

鎮曰題好詩亦蘊藉

寄馬伯庸尙書

江上河豚吹柳花三月淮船當到家賜金盡賣買田舍
坐對八公吟日斜

商憲符小景

五老峰前屢往來紫雲如蓋蔭崔嵬十年京國頻看畫
最愛高僧坐石苔

賦故宋李忠襄公植烏石渡舊隱

窈窕幽篁帶薜蘿青春白日坐蹉跎試詢烏石江頭水

寧有微波接汨羅

訪杜弘道長史不值道中偶成

雨浥輕塵道半乾興來隨處借花看
牆東千樹垂楊柳
飛絮時二近馬鞍

聽雨

屏風圍坐鬢髮二絳蠟搖光照暮酣
京國多年情態改
忽聽春雨憶江南
棋日語淺情深

春雲

春雲漠二度宮城樓雪初融水未生
行過御溝成久立
起頭枝上有流鶯

與趙子期趨閣

日出風生太液波畫橋千尺彩船過
橋頭柳色深如許
應是偏承雨露多

玉堂讀卷雜賦次韻

侍漏宮門聽鑰開袖中進卷總賢才
奏名殿裏千花合
傳勅階前好雨來
千花覆檻柳垂絲畫刻傳呼淑景遲
聖主自觀新進策
侍臣簪筆立多時
文章光焰貫長虹來者無窮去者空
頭白眼昏心力盡
高堂深夜燭搖紅

題陳眾仲助教送人之官南平序後

我憶錦溪最上原春雲爲雨日行天何時獨上溪邊閣
不待冷風已洒然

院中獨坐

何處他年寄此生山中江上總關情無端繞屋長松樹
盡把風聲作雨聲

題歐陽原功少監家柯敬仲畫

涔陽日二水生波翠袖黃裳晚櫂過珠樹月明花婀娜
鳳毛春暖錦婆娑

楚宮朝雨過江潭燕二新來試浴蠶庭下錦衣皆稚子
廂前秀色是宜男

子昂人馬圖

綠衣奴子十七八面如紅玉牽馬過繡簾美人時共看
階前青草落花多

紹興閒臨安士人有賦曲一春長費買花錢日
日醉湖邊玉驄慣識西湖路驕嘶過沽酒樓前
紅杏香中簫鼓綠楊影裏鞦韆晚風十里麗人
天花壓鬢雲偏畫船載得春歸去餘情付湖水
湖烟明日重攜殘酒來尋陌上花鈿思陵見而
喜之恨其後疊第五句重攜殘酒酸寒改曰重
扶殘醉因歐陽原功言及此與陳眾仲尋腔度
之歌之一再董此字求書其事因書之并系目
一詩

重扶殘醉西湖上不見春風見畫船頭白故人無在者
斷堤楊柳舞青烟

題畫古木

高秋木落洞庭空岳陽城南多晚風蛟龍夜護玉壇古
劍影長留明月中

八月十五日得旨先歸驛騎在門復召還草詔

十七日至桓州驛題壁

烏桓東望天無際祇有銀蟾出海頭不得吹簫送清夜
禁城鐘鼓度中秋

子昂幽蘭修竹

舊時長見揮毫處修竹幽蘭取次成欲把一竿茗水上

鷗波千里看雲生

子昂竹石

數尺琅玕近玉階連昌宮苑少人來庚二蒼石如人立
恐有題名上紫苔

畫竹石

井中墮卻翡翠釵海上拾得珊瑚鈎蒼龍過雨影在壁
斷雲零落令人愁

簞簞谷中春事晚老鶴俛啄莓苔生長鳴戛二雨氣潤
舞羽脩二山月明

酬書巢送棕箒

積雨蒼苔路不分松華盡日落紛二塵埃滿袖歸來晚

誰與柴門掃白雲

子昂畫

棠梨枝上白頭翁墨色如新最惱公直似故園花石外
銅盤和露寫東風

送上黨長

春雨人淺長紫苗縣庭無事坐終朝俯看雲氣千山表
野有新田市有謠

畫馬

蕭條沙苑貳師還苜蓿秋風盡日閒白髮圍人曾習御
長鳴知是憶關山
號國夫人學畫眉宮門催入許先馳春風十里聞薌澤

新賜金鞍不受騎

畫羅漢

虎嘯千山木葉空晴空無處著神通蒼龍浴罷軍持水
閒玩明珠似日紅

題納涼圖

百頃芙蓉水滿隄綺窗只在畫橋西羊車薄莫過湖曲
驚起鴛鴦不並棲

題畫

松戴蓬萊山上雪竹含滄海岸邊風三更月上誰能看
唯有河東學劍翁

題趙子固山礬瑞香水仙叢蕙

梁園池館日蒼涼飛蓋追隨憶故鄉澤畔行吟春事晚
時二駐屐近微香

息齋竹

紫貂早解獵圍驂一棹夷猶雪滿簷山雨欲來春樹暗
盡將情思寫江南

冬至前一日答吳宗師

綿二微息起黃庭仰望扶桑拂帝青海上鶴來知有意
手持楊許寫來經

題吳彩鸞所書唐韻

豫章城頭寫韻軒繡簾窳地月娟二尋常鶴唳霜如水
書到人間第幾篇

壬申芝亭宜春帖

祇今江上無茅屋何日成都有薄田若荷聖恩歸去蚤
東風擊壤慶堯年

髮從更白三千丈身似初生第一春久向黃庭留白鶴
偶隨華蓋駕蒼麟

東風吹雪著髭鬚目力都妨讀細書兒子總堪供稼穡
故人還許共樵漁

一種芝蘭異楚薪儀如鸞鳳氣如春他山借石成瑚璉
莫負深耕種玉人

華萼樓宴集圖

華萼樓前翠輦來寧王吹笛百花開夾城誰敢爭馳道

道園集卷四
十一
三〇三
獨對霓裳進玉杯

爲歐陽學士題子昂墨竹

蒼崖倚木雲千尺新筍穿林玉一雙若到瀟湘聽夜雨
定知剪燭向西廂

先生歸到歸鴻閣二下應生此竹枝定有鳳凰來共宿
可憐翡翠立多時

送道士趙虛一歸金陵

三月二十五日集侍立延閣上顧問集嘗至金
陵否集謹對曰嘗到又曰治亭是朕所題往年
八九至其處新松當長茂矣集謹對曰臣猶是
未種松時到也近臣奏曰元妙住持道士趙虛

一所種也上曰然又顧集曰已陞觀爲宮汝知
之乎集謹對曰臣奉勅題榜賜之矣是曰趙虛
一來別歸江南卽告曰聖上不忘治亭之意又
三日吳大宗師賦詩贈行董先生爲持卷來索
賦因錄所得聖語如上云
春明晝侍奎章閣聖主從容問治亭爲報仙都趙貞士
新松好護萬年青

題子昂春江聽雨圖

原序

越鳥巢南枝所欲得於江湖之上者甚不多也
區二不余畀覩此慨然

憶昔江湖聽雨眠二歸雁度春前數株古木依茅舍

老去何年蹋釣船

顧奎光曰小序甚妙

賦思州田氏楊夫人柏舟堂

白髮高堂晝霧昏自將忠義教兒孫邊傍種得千株柏
雨露深二荷主恩

次韻杜直常典籤秋日西山有感

落日龍舟山下回寺門依舊對山開霜凋碧樹烟生草
從此頻傷八月來
百頃夫容野水光石梁秋日度流香空遺玉座臨高閣
只有金仙住上方
閣上露華生翡翠潭陰日色射金虬舊時車駕迎風動

此日闌干傍水流

每進文章出殿遲日華西轉萬年枝甘泉罷幸揚雄老
滿鬢秋風不受吹

題畫

原注柯敬仲雜畫

夢裏江南憶舊遊明璫翠佩不勝愁一鉤纖月清如水
吹笛何人共綵舟

黃筌夫容乳狗

西旅初聞効貢來金毛覆地不凡材騶虞麟趾同靈囿
抱子花陰臥石苔

題柯敬仲畫

牽牛引蔓上棠梨上有幽禽夜二栖自有秋風動疏竹

江南落月不須啼

題蔡端明蘇東坡墨蹟後

原序

天際烏雲含雨重樓前紅日照山明嵩陽道士
今何在青眼看人萬里情此蔡君謨夢中詩也
集在錢塘一日謁陳述古邀余飲堂前小閣中
壁上小書一絕君謨真跡也綽約新嬌生眼底
侵尋舊事上眉尖問君別後愁多少得似春潮
夜二黍又有人和云長垂玉筋殘妝臉肯爲金
釵露指尖萬斛閒愁何日盡一分真能爲誰黍
二詩皆可觀後詩不知誰作也杭州營籍周韶
多蓄奇茗嘗與君謨鬥勝韶又和作詩子容過

杭述古飲之韶泣求落籍子容曰可作一絕韶
援筆立成曰隴上巢空歲月驚忍看回首自梳
翎開籠若放雪衣女長念觀音般若經韶時有
服衣白一坐嗟嘆遂落籍同輩皆有詩送之二
人最善胡楚云淡妝輕素鶴翎紅移入朱闌使
不同應笑西園舊桃李強勻顏色待春風龍靚
云桃花流水本無塵一落人間幾度春解佩暫
酬交甫意濯纓還見武陵人固知杭人多慧也
丹丘柯敬仲多蓄魏晉法書至宋人書殆百十
函隨呂與人弗畱也他日獨見此軸在几格閒
甚怪之及取觀則吾坡翁書蔡君謨夢中詩及

守居閣中舊題也第三詩目爲不知何人作其
軒轅彌明之流與陳太守放營妓三詩亦辱翁
翰墨流傳至今亦有緣耶卷後聯佳紙敬仲求
集作詩識其後賦此四首是日試郭岷墨但目
疾轉深不復能作字又他年歲後雖若此者亦
尙能作否臨楮慨然至順辛未二月望日成都

虞集書

祇今誰是錢塘守頗解湖中宿畫船曉起鬥茶龍井上
花開陌上載嬋娟自注白樂天蔡君謨陳述古蘇子瞻皆杭守也
老却眉山長帽翁茶烟輕颺鬢絲風錦囊舊賜龍團在
誰爲分泉明月中

三生石上舊精魂邂逅相逢莫重論縱有繡囊畱別恨
已無明鏡著啼痕
能言學得妙蓮華贏得春風對客誇乞食衲衣渾未老
爲題靈塔向金沙

題著色山圖

巫山空翠濕人衣玉笛凌虛韻轉微宋玉多情今老矣
閒雲閒雨是耶非

題東坡帖

原序

東坡先生書少陵翁負薪行筆力與辭氣同一
高古憶在江上聞舟人竹枝一首漫識於此
魚復浦前春水生負薪渡江新月明憑郎莫下巫峽去

楚王宮殿在專城

鎮曰質而不俚最近古人

題畫 張彥輔小景

山下吳王避暑宮 前浪起白蘋風抱琴響廊頭去
多是扁舟笠澤翁

題李氏青溪精舍

昔逢李白青溪上 醉著宮花紫綺袍
松雪落崖迴晚櫂 海風吹月見秋毫

題李氏浩然堂

水滿青溪花滿叢 浩然堂上看春風
小車還過溪頭去 看徧青山似洛中

聽雪軒

樓前宿鷺起星河 近歲江南雪轉多
投老鐘山寒不寐 滿山松竹夜如何

放鶴亭

山人不受北山移 春雨開田種紫芝
昨日華陽真逸到 借騎過海問安期

臘日偶題

大藥無功卦氣銷 等閒雙鬢雪飄蕭
東家釀得黃精酒 說道凌晨許見招

舊時燕子尾毳 重覓新巢冷未堪
為報道人歸去也

杏花春雨在江南

無題

夏簟琅玕冷於水綠鞵烹魚手操匕西風歸燕杏梁深
恨不身先貴人死

與陳升海

門外大風都不起
窗前卷書淨於水
匡廬道士上清來
吹笛數聲月明裏

與陳道士

門外大風吹樹倒
窗下燒香禮黃老
日午誦徹大洞經
白鶴隨人啄瑤草

題扇與周幹臣

玉疊松花蜜餅香
龍珠星顆露盤涼
遙知環碧樓中坐

翠竹蒼松夏日長

樂府

次韻禮院孟子周僉院秋夜曲二疊

天濶秋高初夜長
浮塵銷盡霧蒼茫
澄一孤月轉危牆
金井有聲惟墜露
玉階無色乍凝霜
不聞人語只吟螿
風力清嚴掃暮烟
纖塵不碍月嬋娟
太虛那得有中邊
大地山河空復影
九霄宮闕舊無傳
幾承劍氣一飄然

招熊少府

南阜小亭臺薄有
山花取次開
寄語多情熊少府
晴也須來雨也須來
隨意且銜杯
莫惜春衣坐綠苔
若待明朝風雨過
人在天涯春在天涯

廬山尋真觀題法曲導引

闌干曲正面碧崔嵬嵐氣著衣成紫霧墨香橫壁長蒼
苔蟾為白玉詩柏影掃空臺江海客欲去更徘徊霧鬢雲鬢
何處在風泉雪磴幾時來鶴翅九秋開

題梅花寒雀圖

殘雪曉牕外幽禽小春聲初動花枝裊花落知多少春
起早苦被東風惱綠陰攜子歸來好滿徑生芳草

柳梢青題楊補之梅花

至順癸酉立春客有持逃禪翁此卷相示清潤
蘊藉使人意消因所題柳梢青調亦賦一首云
從別幽華玉堂金馬十載忘家橫幅疎枝如逢舊識同

在天涯荒村茅屋欹斜待歸去重尋釣槎解卻釣絲青
鞋藜杖翠竹江沙

風入松

畫堂紅袖倚清酣華髮不勝簪幾回晚直金鑾殿東風
軟花裏停驂書詔許傳宮燭香羅初剪朝衫御溝冰泮
水拖藍飛燕又呢喃重簾幙寒猶在憑誰寄金字泥
緘為報先生歸也杏花春雨江南

道園詩集卷第四

